

Mak ndê ηawaê ηayham Yom whê ηawaê ηayham dindec sa-ηga

Mak in̄ Yisu ndê ηgacsêηomi 12 si dan̄ dom, magoc in̄ tiatu yêc Jerusalem ma gêlic gêη hon̄ nan̄ Yisu kôm têt̄η ndoc dinaη. Tiηambu Mak kêsêlêη whiη Pita têt̄η ndoc Pita gêm mêtê, ma to ηawaê ηayham pi Yisu kékuc mêtê nan̄ Pita gêm. Lau ηatô gauc gêm bu yom nan̄ Mak to yêc 14:51-52 nan̄ hêganôη in̄ dau. Tiηambu in̄ gêm Pol lu Banabas sa tu in̄lu si gwelen-ηga. Alic yom ηatô pi in̄ yêc Apo 12:12, 25; 13:5, 13; 15:36-39, ma yêc Kol 4:10 ma 2 Tim 4:11.

Mak to yom daêsam pi gwelen̄ nan̄ Yisu kôm, magoc yom daêsam nan̄ Yisu sôm tu bu êndôhôn̄ lau-ηga, nan̄ in̄ to dom.

*Jon kêmasaη Yisu ndê sen̄
(Mat 3:1-12; Luk 3:2-16)*

¹ Yom dindec gic hu ηawaê ηayham pi Anötö ndê Atu Yisu Kilisi.

² Mun̄-ηga, propet dan̄ to yom nan̄ Anötö sôm têt̄η in̄ ndê Atu bocdec bu:

Aö wakêη aneη ηgac aheη-ηga mun̄ am. In̄ oc êmasaη am nem sen̄. *[Mal 3:1]*

Ma propet Aisaya to Anötö ndê yom pi ηgac aheη-ηga dau bocdec bu:

³ N̄amalac daŋ ta yom mbo gameŋ sawa bocdec bu, ‘Amasaŋ Pômdau ndê seŋ tisolop. Amasaŋ nem ŋalôm bu akôc iŋ sa.’ *[Ais 40:3]*

⁴ Yom dau ŋandô sa pi Jon, N̄gac Kêku Lau-ŋga, naŋ tiŋambu hôc asê ma gêm mêtê mbo gameŋ sawa. Iŋ sôm têŋ lau bu sêliŋ saŋgu tu bu sêtôc asê bu sêkac si ŋalôm kwi ma sêhu mêtê sac siŋ, dec Anötö oc suc ŋac si sac kwi. ⁵ Lau daêsam akêŋ malac Jerusalem, ma akêŋ malac hoŋ yêc gameŋ Judia-ŋga, sêsa sêtêŋ Jon si. N̄ac sêhoc si sac asê, ma iŋ kêku ŋac yêc Bu Jordan.

⁶ Jon sôc ŋakwê naŋ sêmasaŋ ŋa kamel ŋamlichlu, ma kic piŋkap yêc iŋ ŋampêbalê. Ma iŋ gêŋ gêŋ bambaliŋ gitôm wakô ma lêp. ⁷ Iŋ gêm mêtê ma sôm têŋ lau bocdec bu, “N̄gac daŋ oc meŋ êŋkuc aö, naŋ ndê ŋaclai hôc gêlêc aö neŋ su. Aö ŋgac ŋambwa dec gitôm dom bu wati iŋ ndê ŋgac akiŋ naŋ pôn sic ma kêgapwêc iŋ ndê atapa ŋawalô. ⁸ Aö kaku mac ŋa bu ŋambwa, tigeŋ iŋ oc êŋku mac ŋa N̄alau Dabuŋ.”

Jon kêku Yisu

(Mat 3:13-17; Luk 3:21-22; Jon 1:32-34)

⁹ Têŋ têm dinaŋ Yisu meŋ akêŋ malac Nasaret yêc gameŋ Galili-ŋga, ma hôc asê Jon. Ma Jon kêku iŋ yêc Bu Jordan. ¹⁰ Têŋ ndoc Yisu pi akêŋ bu meŋ, iŋ gêlic undambê kac sa, ma N̄alau Dabuŋ gêm balusi aŋgô, ma sip têŋ iŋ meŋ. ¹¹ Goc awha daŋ sa akêŋ undambê, naŋ sôm, “Aö Atuŋgac atac whiŋ-ŋga am. Aö gatisambuc am ŋandô.”

Sadaŋ kêsahê Yisu

(Mat 4:1-11; Luk 4:1-13)

¹² Dinaŋ su, goc N̄alau wê Yisu sa gameŋ sawa gi, ma iŋ mbo tawasê. ¹³ Tôm bêc 40 iŋ mbo gameŋ

sawa, ma Sadan kêsahê bu êntôm in. In mbo whin bôc gameŋ sawa-ŋga, ma aŋela sem akiŋ in.

Yisu gic hu in ndê gwelen

¹⁴ Tinambu †Herod kêkiŋ in ndê lau siŋ-ŋga bu sêkôc Jon dôŋ, ma sêkêŋ in ndöc gapocwalô. Têŋ têm dinaŋ Yisu gêm mêtê ma hoc Anötö ndê ŋawaê ŋayham asê têŋ lau yêc gameŋ Galili-ŋga. ¹⁵ In sôm, “Têm naŋ Anötö kêyaliŋ sa, naŋ meŋ sa su. †Anötö ndê gôliŋ meŋ kêpiŋ su. Bocdinaŋ anem nem ŋalôm kwi, ma akêŋ whin Anötö ndê ŋawaê ŋayham.”

Yisu mbwêc laungac hale tu sêŋkuc in-ŋga
(*Mat 4:18-22; Luk 5:1-11; Jon 1:35-42*)

¹⁶ Têŋ bêc dan Yisu kêsêlêŋ mbo Bugicton Galili ŋamakê, ma gêlic Saimon lu asi Andru. Inlu ŋac lu sêkôc i-ŋga, ma sem gwelen sêkêŋ wasaŋ sip bu sêmbo. ¹⁷ Ma Yisu sôm têŋ inlu, “Amlu amêŋ aŋkuc aö, ma aö wakêŋ amlu ahê ŋamalac sêmeŋ sêŋkuc aö, tôm naŋ kwahic dec amlu ahê i.” ¹⁸ Ma ŋagahô inlu sêtec si wasaŋ yêc, ma sêŋkuc in.

¹⁹ In kêsêlêŋ ŋasawa sauŋ, ma gêlic Sebedi ndê atu lu, Jems lu Jon. Sêndöc waŋ dan ma sêmasaŋ si wasaŋ naŋ kic. ²⁰ Yisu mbwêc inlu bu sêmeŋ sêŋkuc in, goc sêhu damba Sebedi ti lau naŋ sêkôm gwelen sêwhin in, naŋ siŋ sêmbo waŋ, ma sêŋkuc Yisu.

Yisu kêdôhôn lau ma soc ŋalau sac yêc malac Kapenaom
(*Luk 4:31-37*)

²¹ Yisu kôc lau hale dinaŋ ma sêŋsêlêŋ sêtêŋ malac Kapenaom si. Sêhóc asê têŋ bêc Sabat-ŋga dan, ma Yisu sôc †lôm wê-ŋga gi, ma gic hu kêdôhôn

lau. ²² Ma lau Kapenaom-nga sêhêdaê tu in ndê yom-nga, bu in kêdôhôn ñac gitôm kêdôhônwaga ti ñac lai atu, hóc gêlêc lau Israel si ðkêdôhônwaga yomsu-nga hon su.

²³ Ngac dan ndöc lôm wê-nga dinan, nan ñalau sac mbo in ndê ñalôm. In ta yom bocdec bu, ²⁴ “Ei! Yisu Nasaret-nga. Aö kayalê am, am ngac dabun nan Anötö kêkin. Am bu kôm sake têt yac? Am mwen bu señ yac su, a?” ²⁵ Magoc Yisu hec yom ñalau sac ma sôm, “Am maman ma hu in sin!” ²⁶ Goc ñalau sac kêmwanan ñac dau ti ñanğa ma hu in sin ti mbwêc atu.

²⁷ Tu dinan-nga lau hon sêhêdaê ma sêndac dandi, “Gêñ bocke dec? In kêdôhôn yac ña lêt wakuc ma ti ñac lai atu. Ma in kôc ñac lai pi ñalau sac whin, bu in kêñ yatu ñac, ma sêsôc in ndê yom ñapu.” ²⁸ Ma tinambu lau sic min yom pi gêñ dau, e ñagahô en in ndê waê gêm gameñ Galili-nga hon ahuc.

*Yisu gêm lau gêmbac daêsam sa
(Mat 8:14-17; Luk 4:38-43)*

²⁹ Ñac sêhu lôm wê-nga dinan sin, ma Saimon lu Andru sêkôc Yisu, Jems ma Jon ma sêtên inlu si andu si. ³⁰ Saimon ndê lawawê gêmbac lic ñandê ma yêc andu dau ñalôm, ma lau sêkên ñawaê têt Yisu. ³¹ Bocdinan Yisu têt in gi, kêm in sip amba ma keñ in sa. Ma gêmbac hu awê dau sin, ma in gêm akin ñac.

³² Têt telha dinan têt ndoc ac gi sip, nan lau malac-nga sêhon lau gêmbac daêsam ti lau nan ñalau

sac sêmbô si ñalôm, ma sêkôc ñac sêtêñ Yisu sêmenj.*
³³ Lau malac-nga honj sêkac dau sa, sêmbô andu dau ñamakê. ³⁴ Ma Yisu gêm lau ti gêmbac tidau-tidau daêsam dinañ sa, ma soc ñalau sac daêsam su yêc lau. Tigenj inj kêñ yao ñalau sac bu sêsôm inj asê dom, ñahu bu ñac sêñyalê bu inj †Mesaya dau.

Yisu hu malac Kapenaom sinj
(Luk 4:42-44)

³⁵ Têñ ñagalañsê ac pi menj su dom ma Yisu tisa ma hu malac dau sinj. Inj sa gi bu mbo tawasê ma tenj mbec. ³⁶ Saimon ma lau ñatô nañ sêwhinj inj, nañ sêsa si bu sêñsalê inj. ³⁷ Ma têtñ ndoc sêtap inj sa, nañ sêsôm têtñ inj bu, “Lau honj sêñsalê am.”
³⁸ Magoc Yisu ô yom ma sôm, “Aô oc wambo malac tigenj dinañ dom. Dalhö datêñ malac nañ sêyêc gameñ ñamakê-nga dandi, bu wanem mêtê wambo dinañ. Tu gwelenj dinañ-nga dec aô gameñ.”

³⁹ Ma tiñambu inj kêsêlêñ golom-golom malac honj yêc gameñ Galili-nga. Inj gêm mêtê mbo lau si lôm wê-nga, ma soc ñalau sac daêsam su yêc lau.

Yisu kôm ñgac ti gêmbac leprasi ñayham sa
(Mat 8:1-4; Luk 5:12-16)

⁴⁰ Têñ bêc dañ, ñgac ti gêmbac †leprasi dañ têtñ Yisu gi. Inj pônj haduc ma tenj Yisu bu nem inj sa. Inj sôm, “Am bu tac whinj, dec gitôm bu am oc kôm aô ñamlic ñawasi sa.” ⁴¹ Yisu tawalô inj, dec kêmatôc amba sa gi ma kêmasec inj, ma sôm, “Aô atac whinj,

* **1:32:** Lau Israel si yomsu Sabat-nga gic yao lau bu sêñsêlêñ senj baliñ me sêkôm gwelenj têtñ bêc Sabat-nga dom. Magoc bêc Sabat-nga ña-yao pacndê têtñ ndoc ac gi sip. Tu dinañ-nga dec lau sêhônj e ac gi sip su, goc sêkôc si lau gêmbac sêtêñ Yisu si.

dec wasôm têt am bu ñamlic ñawasi sa.” ⁴² Ma ñagahô eñ gêm bac dau hu in in siñ, ma in ndê ñamlic ñawasi sa. ⁴³⁻⁴⁴ Goc Yisu kêkin in têt †dabuñ-siga gi, ma sôm ti ñaŋga têt in, “Am ngô! Gêt nañ kwahic dec hôc asê am, nañ sôm asê têt lau dan dom. Tigen têt dabuñsiga ndi, ma tôc daôm têt in bu lic bu am nem ñamlic ñawasi sa su. Ma kêt da tu am ñamlic ñawasi sa-nga tôm yomsu nañ Moses kêt têt yac. Ma ñalêt dinan lau hon oc sênyalê bu am ñamlic ñayham sa.” ⁴⁵ Ma ngac dau sa gi ma gic min pi gêt dau e yom dau tiapa. Tu dinan-nga lau hon takwê Yisu, dec in tec bu sôc malac dan yêc lhu. In mbo gameñ ñamakê-nga, magoc lau akêt gameñ hon sêwê sêtêt in si ñapañ.

2

Yisu kôm ngac bôlin dan ñayham sa (Mat 9:1-8; Luk 5:18-26)

¹ Bêc ñatô ginga su, goc Yisu sôc malac Kape-naom tiyham. Ma lau malac-nga sêngô ñawaê bu in mbu meñ ndôc andu dan. ² Goc lau daêsam sêkac dau sa, ma Yisu gêm mêtê ñac. Lau daêsam andô sêkac sa e ñasawa mba yêc andu ñalôm ma yêc ñasactô bocdinañ. ³ Ma laungac hale sêmbalañ ngac bôlin dan yêc sac dan sêmeñ, ma bu sêtêt Yisu sêndi. ⁴ Magoc lau daêsam dinan sem gameñ ahuc, ma tu dinan-nga dec ñac sêpi andu ñapoc lôlôc si, ma sêkac poc sa ma sêmasañ ñalasê dan yêc gameñ nañ Yisu kalhac, nañ ñahô-nga. Goc sênywan sac ti ngac bôlin sip têt Yisu gi. ⁵ Yisu gêlic gêt dinan ma kêyalê bu ñac sêkêt whin in, goc sôm têt ngac

bôliŋ, “Aneŋ balê, kwahic dec aö wasuc am nem sac kwi.”

⁶ Têŋ ndoc dinaŋ kêdôhônŋwaga yomsu-ŋga ŋatô sêndöc andu dau. Sêŋgô Yisu ndê yom dau, ma gauc gêm yêc ŋac si ŋalôm, ⁷ “Anötö tigenŋ gitôm bu suc sac kwi. Ma bocke ŋgac dindê sôm yom kainŋ dinaŋ? Inŋ ndê yom sac sambuc.” ⁸ Yisu kêyalê ŋagahô bu ŋac gauc gêm yom bocdinaŋ, dec inŋ sôm têŋ ŋac, “Tu sake-ŋga mac gauc gêm yom bocdinaŋ? ⁹ Mac akêŋ whiŋ dom bu aneŋ ŋaclai yêc bu wasôm têŋ ŋgac bôliŋ dindêc bu wasuc inŋ ndê sac kwi. Bocdinaŋ aö wasôm têŋ inŋ, ‘Tisa, kôc nem mbô sa ma êmsêlêŋ.’ ¹⁰ Ma têŋ têm mac alic aneŋ yom dau ŋandô sa, dec aŋyalê bu Anötö kêŋ ŋaclai têŋ †Ŋamalac ndê Atu yêc nom, bu suc ŋamalac si sac kwi whiŋ.” Goc Yisu sôm têŋ ŋgac bôliŋ, ¹¹ “Aö wasôm têŋ am bu tisa, kôc nem mbô sa, ma lhö têŋ nem andu ndi.” ¹² Ma ŋgac dau tisa yêc lau hoŋ aŋgô-ŋga, kôc ndê mbô sa ma kôlhö gi. Gêŋ dau kôm lau hoŋ sêhêdaê ŋandô. Sêmpiŋ Anötö ma sêsôm, “Gêŋ kainŋ dindêc, yac alic daŋ su dom.”

*Yisu kêgalêm Liwai bu êŋkuc inŋ
(Mat 9:9-13; Luk 5:27-32)*

¹³ Tiŋambu Yisu sa gi mbo bugictonŋ ŋamakê tiyham. Lau daêsam sêsa si sêŋkuc inŋ, ma inŋ kêdôhônŋ ŋac. ¹⁴ Ma tiŋambu inŋ kêsêlêŋ gi e gêlic †Liwai, Alpayas ndê atuŋgac ndöc ndê mala kôc takis-ŋga. Goc Yisu sôm têŋ inŋ, “Êmkuc aö.” Ma Liwai tisa ma kêkuc inŋ.

¹⁵ Têŋ bêc daŋ Yisu ti inŋ ndê ŋgacsêŋomi seŋ gêŋ sêndöc Liwai ndê andu. Ma lau sêkôc takis-ŋga ma lau daêsam naŋ lau bata Israel-ŋga sêsam bu lau sac

naŋ sêndöc sêwhiŋ ŋac, bu lau kainŋ dinaŋ sêŋkuc Yisu tômbêc honŋ. ¹⁶ Ma lau †Palêsai si kêdôhônŋwaga yomsu-ŋga ŋatô sêlic bu Yisu gêŋ gêŋ ndöc whiŋ lau takis-ŋga ti lau sac dinaŋ. Goc sêsôm têtŋ iŋ ndê ŋgac-sêŋomi, “Tu sake-ŋga iŋ gêŋ gêŋ whiŋ lau takis-ŋga ti lau sac?” ¹⁷ Yisu ŋgô yom dau, ma sôm têtŋ ŋac, “Lau naŋ sêlic dau bu gêmbac mba, naŋ oc sêŋsalê dokta dom, magoc lau ti gêmbac oc sêŋsalê dokta. Aö gamenŋ bu waŋgalêm lau naŋ sêlic dau bu lau gitêŋ, naŋ sa dom, aö gamenŋ bu waŋgalêm lau sac sa.”

Yao gêŋ danenŋ-ŋga-ŋga
(*Mat 9:14-15; Luk 5:33-35*)

¹⁸ Jon, Ŋgac Kêku Lau-ŋga ndê †sêŋomi ti lau Palêsai sêkêŋ bêtŋ ŋatô bu sênenŋ gêŋ dom tu gauc nem Anötô-ŋga, magoc Yisu ndê ŋgacsêŋomi sêkôm dom. Ma lau ŋatô sêmenŋ ma sêndac Yisu bocdec bu, “Tu sake-ŋga Jon ndê sêŋomi ma lau Palêsai si sêŋomi sêhu gêŋ danenŋ-ŋga siŋ tu gauc nem Anötô-ŋga, magoc am nem ŋgacsêŋomi sêkôm dom?” ¹⁹ Goc Yisu sôm têtŋ ŋac, “Ŋgac nem awêhê-ŋga danŋ bu êŋgalêm lau sa sêmbô sêwhiŋ iŋ bu sênenŋ mwasiŋ nem awêhê-ŋga, dec oc tômbêc dom bu sêhu gêŋ danenŋ-ŋga siŋ têtŋ ndoc ŋgac dau mbo whiŋ ŋac. Ŋalêŋ tigenŋ kwahic dec aö gambo gawhiŋ anenŋ ŋgacsêŋomi ma oc tômbêc dom bu sêhu gêŋ danenŋ-ŋga siŋ. ²⁰ Tigenŋ ndoc oc meŋ naŋ lau oc sêkôc aö su yêc ŋac, ma têtŋ ndoc dinaŋ ŋac oc ŋalôm ŋawapac, ma sêŋkuc lêtŋ dahu gêŋ danenŋ-ŋga siŋ-ŋga.”

Yisu ndê yom gitôm gêŋ wakuc
(*Mat 9:16-17; Luk 5:36-39*)

21 Ma Yisu sôm, “Yac dasi po wakuc pi ñakwê akwa nañ kic, nañ dom. Bu po wakuc oc hôc ñakwê akwa kic, ma gêñ dau oc tisac sambuc. 22 Ma têtñ ndoc lau s êmasañ wain wakuc, nañ sêkêc sip bôc ñamlic wain-nga akwa dom. Mba! Ñac bu sêkôm, goc wain wakuc oc hôc ñamlic akwa kôc ma wê sa niñga. Ma bôc ñamlic oc tisac bocdinañ. Wain wakuc dakêc sip bôc ñamlic wakuc.”

*Yisu in Pômdau bêc Sabat-nga
(Mat 12:1-8; Luk 6:1-5)*

23 Têtñ bêc Sabat-nga dañ Yisu ti ndê †ngacsêñomi sêñsêlêñ sêmbo lôcwha dañ nañ gic ôm wit-nga dañ kic. Ma in ndê ngacsêñomi sêkôc wit ñandô ñatô bu sêneñ. 24 Ma lau Palêsai ñatô sêlic gêñ dau ma sêsôm têtñ in, “Lic gêñ nañ am nem ngacsêñomi sêkôm. Tu sake-nga ñac sêkôm gwelen nañ yac neñ yomsu gic yao bu dakôm têtñ bêc Sabat-nga dom?” 25-26 Yisu ô ñac si yom ma sôm, “Gauc nem yom nañ sêto pi gêñ nañ Kiñ Dawid kôm. Mac asam su, me? Têtñ ndoc nañ Abiata in †dabuñsiga ñamata-nga, nañ Dawid ti lau nañ sêwhiñ in, nañ sêpônnda dau ma gêñ yô ñac. Goc Dawid sôc Anötö ndê andu gi, ma gêñ bolom dabuñ nañ lau sêkêñ ti da, nañ Moses kên yao bu lau dabuñsiga tawasê oc sêneñ. Ma in kên têtñ lau nañ sêmbo sêwhiñ in, ma ñac sen. Magoc lau dañ sêngôliñ yom pi Dawid ma sêsôm bu in kêgili yomsu lec dom.”

27 Ma Yisu gic têtñ yom ma sôm, “Bocdinañ akôc gauc ñapep pi yomsu. Anötö kên bêc Sabat-nga bu nem ñamalac sa. In kên ñamalac tu bêc Sabat-nga dom. 28 Ñamalac ndê Atu in gêñ honñ ñadau, ma in Pômdau Sabat-nga whiñ.”

3

Yisu kôm ngac amba balê nayham sa têñ bêc Sabat-nga

(Mat 12:9-14; Luk 6:6-11)

¹ Têñ bêc dan tiyham Yisu sôc lôm wê-nga gi. Ma ngac amba tibalê dan ndöc. ² Palêsai natô sênsalê yom bu sêngôlin pi Yisu, dec sêtip in napep bu mboe in oc kôm ngac dau nayham sa têñ bêc Sabat-nga, dec nac oc sêsôm bu in kégili yomsu Sabat-nga. ³ Yisu sôm têñ ngac nan amba tibalê, “Tisa, ma lhac nalhu whin aô.” ⁴ Dec in ndac lau hon bocdec bu, “Gên bocke oc êngili yomsu Sabat-nga? Dakôm nayham têñ lau, me dakôm sac têñ lau? Danem namalac sa, me datec nac sêmbac ndu?” Magoc nac hon sem dôñ. ⁵ In tahê nac ma tac nandê sa, ma nalôm nawapac tu nac si nalôm nadandi-nga. Goc in sôm têñ ngac dau, “Êmatôc amam.” Ma ngac dau kêmatôc amba, ma amba dau nayham sa tiyham.

⁶ Têñ dinan lau Palêsai sêhu lôm wê-nga dau sin ma sêsa si. Ma nac sêndöc sêwhin lau Israel-nga nan tac whin Herod ma lau Rom-nga si gôlin, ma nac hon sêkôc gauc pi lêñ sêndic Yisu ndu-nga.

Yisu kêdôhôn lau ma kôm gêmbac nayham sa
(Luk 6:17-19)

⁷ Yisu ti ndê ngacsêñomi sêtên bugicton si, ma lau daêsam sênkuc nac. Nac lau akên gameñ Galili-nga ma gameñ Judia-nga, ⁸ ma akên malac Jerusalem ma akên gameñ Judia ma Idumia-nga ma akên Bu Jordan nadanga, ma akên malac Taya ma Saidon nagameñ. Lau daêsam dinan sêngô nawaê pi gêñ nan Yisu kôm, dec sêsa sêtên in si.

⁹ Yisu gêlic lau tonj atu nanj bu sêngapiņ in sa, dec sôm têtj ndê ngacsêņomi bu sêmasaņ waņ saun daņ tu in pi ndi ndöc-nga. ¹⁰ Inj sôm yom dinaņ ñahu bu inj kôm lau gêm bac daêsam ñayham sa su e lau daêsam ti gêm bac sêkôm mwasac bu sêmasac inj. ¹¹ Ma têtj ndoc lau ti ñalau sac sêlic inj, nanj sêhu dau sêyêc inj anğô-nga, ma ñalau dau sêmbwêc yom asê bocdec bu, “Am Anötö ndê Atu.” ¹² Tigenj Yisu kêtj gic yao ñanga bu sêsôm inj ñahu asê dom.

*Yisu kêyaliņ ngacsêņomi 12 sa
(Mat 10:1-4; Luk 6:12-16)*

¹³ Tiņambu Yisu pi lôc daņ gi ma mbwêc lau nanj inj atac whiņ, nanj sêtêtj inj sêmenj. ¹⁴ Goc inj kêyaliņ ñac si lau 12 sa, ma sam ñac bu †Aposel, bu ñac oc sêmbo sêwhiņ inj, ma inj oc kêtj ñac sêsa sêndi bu sênem mêtê. ¹⁵ Ma inj kêtj ñaclai têtj ñac bu sêsoc ñalau sac su. ¹⁶ Aposel 12 nanj Yisu kêyaliņ ñac sa, nanj bocdec: Saimon (nanj inj sam bu Pita), ¹⁷ Jems lu Jon (Sebedi ndê atu lu nanj Yisu sam bu ‘wapap atui’), ¹⁸ Andru, Pilip, Batolomeas, Matyu, Tomas, Jems (Alpayas ndê atu), Tadaus, Saimon (nanj sêsam bu ‘Ñgac †Selot’), ¹⁹ ma Judas Iskeriot, ñgac nanj tiņambu hoc Yisu asê.

Lau sêngihi Yisu ahuc ñapaņ

²⁰ Yisu sôc andu daņ gi, magoc lau tonj atu sêsap inj dôņ ñapaņ e ñasawa mba bu inj ti ndê ngac-sêņomi sênenj gêtj. ²¹ Gêtj dau ñawaê tap Yisu dinda ti asii sa, dec ñac sêsôm, “Inj ndê gauc tisac.” Bocdinaņ dec sêtêtj inj si bu sêkôc inj sa ndi.

*Yisu ndê ñaclai ñahu
(Mat 12:22-32; Luk 11:14-22)*

²² Têḅ tēm dinaḅ kêdôhônḅwaga yomsu-ḅga ḅatô sêmeḅ akêḅ Jerusalem ma sêḅgôliḅ yom pi Yisu bocdec bu, “ḅalau sac si ḅadau †Belsebal gêm gôliḅ iḅ, ma kêḅ ḅaclai têḅ iḅ bu soc ḅalau sac su.” ²³ Goc Yisu mbwêc ḅac sêtigasuc iḅ, ma ô ḅac si yom ḅa yom gôliḅ daḅ bocdec bu, “Bocke ma Sadaḅ oc soc Sadaḅ? ²⁴ Gôliḅwaga daḅ ndê lau bu sêkêḅ kisa dau, dec iḅ ndê gôliḅ oc pacndê. ²⁵ Ma gôlôwac daḅ bu sêwhê dau kôc, dec oc sêlhac ḅaḅga dom. ²⁶ Ma Sadaḅ bu kêḅ kisa têḅ dau ma whê dau kôc, dec iḅ oc lhac ḅaḅga dom, iḅ ndê ḅaclai oc pacndê. ²⁷ Anḅô! Sadaḅ iḅ gitôm ḅgac ti licwalô atu, ma yac bu dasôc ḅgac ti licwalô atu daḅ ndê andu bu taḅgaho iḅ ndê gêḅ, naḅ gêḅ ḅamata-ḅga dasô iḅ dôḅ, goc taḅgaho iḅ ndê gêḅ.

²⁸ “Yomandô aô wasôm têḅ mac. ḅamalac naḅ kac ndê ḅalôm kwi ma hu ndê sac siḅ, naḅ Anôtô oc suc iḅ ndê sac ti yom sac-sac hoḅ kwi. ²⁹ Tigeḅ ḅamalac daḅ bu sôm yom sac pi ḅalau Dabuḅ, naḅ Anôtô oc suc iḅ ndê sac kwi dom andô. Iḅ kôm gêḅ sac sambuc, ma iḅ ndê giso oc yêc ḅapaḅ.”

³⁰ Yom hoḅ dinaḅ Yisu sôm, ḅahu bu ḅac sêsôm bu ḅalau sac daḅ mbo iḅ ḅalôm.

Yisu dinda ti asii
(*Mat 12:46-50; Luk 8:19-21*)

³¹ Têḅ tēm dinaḅ Yisu dinda ti ndê asii sêhóc asê andu dau. Sêlhac awê ma sêḅkiḅ ḅamalac daḅ sôc gi bu kôc iḅ sa sa meḅ. ³² Lau daêsam naḅ sêndôc sêḅgihi Yisu ahuc, naḅ sêsôm têḅ iḅ bu, “Am dinam ti nem asimi dec sêmeḅ sêlhac awê ma sêndac am.” ³³ Goc iḅ ndac ḅac, “Aneḅ dinaḅ ti asiḅi naḅ asa?” ³⁴ Ma iḅ tahê lau naḅ sêndôc sêḅgihi iḅ ahuc, ma

sôm, “Aneñ dinan ti asinji dau dindec. ³⁵ Bu lau nan danğa wambu Anötö ndê yom, nan ñac sêti aö asinji ti lhuñwêi ma dinanji.”

4

*Yom gôlin pi ñac kêbalip wit ñawhê
(Mat 13:1-12; Luk 8:4-8)*

¹ Tiñambu Yisu sa gi mbo bugicton ñamakê, ma gic hu kêdôhôn lau tiyham. Ma lau sêwê-sêwê sêmen e ti ton atu andô. Tu dinan-nga in pi wan dan gi poc bugicton kêpin baö, ma lau daêsam dinan sêlhac baö.

² Yisu sôm yom gôlin daêsam bu êndôhôn lau dinan. In sôm yom gôlin dan têt ñac bocdec bu, ³ “Angô! Ngac dan sa gi bu êmbalip wit ñawhê yêc in ndê ôm. ⁴ Têt ndoc in kêbalip gêt dau, nan ñawhê ñatô sêpen sêsip sen, ma mbac sêsip sêmen ma sen su. ⁵ Ma ñawhê ñatô sêpen sêsip gameñ hoc-hoc, nan nom ñagec sac hoc ñahô ñambwa. Ñawhê dau sêsip nom ñalôm gacgen si dom, dec sêpo sêpi sêmen ñagahô. ⁶ Tigen tiñambu ac pec ñagatôm ma gêm bôlin. Ñahu bu nom ñayham mba tu ñawakac sip ndi-nga. ⁷ Ma wit ñawhê ñatô sêpen sêsip kwan ti ñakwa ñalôm, ma kwan lu wit sêpi sêwhin dau e kwan yan wit ndu ma gêm ñandô dan dom. ⁸ Ma wit ñawhê ñatô sêpen sêsip nom ñayham, ma tiñambu sem ñandô daêsam, ñatô sem ñandô 30, ñatô sem ñandô 60, ma ñatô sem ñandô 100.”

⁹ Goc Yisu sôm, “Asa bu danğa-sun yêc, nan ñgô aneñ yom.”

*Yisu whê yom gôlin wit ñawhê-nga ñahu sa
(Mat 13:10-23; Luk 8:9-15)*

¹⁰ Tinjambu lau daêsam sêmbô dom, ma lau nan sêmbô sêwhin Yisu, ti ngacsênomi 12 sêndac Yisu pi yom gôlinj dau njahu. ¹¹ Ma inj whê sa têtj nac bocdec bu, “Anötö ndê gôlinj njalênj njahu sip njalôm gi. Inj kêyalinj mac sa bu anyalê njahu dau, magoc lau nan sêmbô Anötö ndê gôlinj njalôm dom, nanj wasôm yom têtj nac njahu yom gôlinj njambwa. ¹² Aisaya to yom pi lau kainj dinanj, nanj yêc bocdec bu:

Njac sêlic gêtj nanj aö gakôm, nanj njapanj, magoc njac si gauc sa dom. Ma njac sêngô anenj yom njapanj, magoc sênyalê njahu dom.

Njac bu sênyalê, dec oc tôm bu sênem dau kwi, ma Anötö oc suc njac si sac kwi.” *[Ais 6:9-10]*

¹³ Goc Yisu sôm têtj nac, “Bocke dec mac anyalê yom gôlinj dinanj njahu dom? Bocdina njalênj bocke mac oc anyalê yom gôlinj natô njahu? ¹⁴ Anjô! Yom pi njac nanj kêbalip wit njawhê, nanj hêganônj njac nanj hoc Anötö ndê yom asê. ¹⁵ Ma yom pi wit njawhê nanj sêpej sêsip sej, nanj hêganônj lau nanj sêngô Anötö ndê yom, magoc njagahô Sada nj menj ma kêgaho yom dau su yêc njac si njalôm. ¹⁶ Ma wit njawhê nanj sêpej sêsip gamej hoc-hoc, nanj hêganônj lau nanj sêngô Anötö ndê yom ma sêkôc sa njagahô ti atac njayham. ¹⁷ Tigenj tôm wit nanj njawakac mbasi, nanj lau dau sêlhac njasawa balinj dom. Têtj ndoc sêtap njawapac sa, me lau sêkênj kisa njac tu Anötö ndê yom-njga, nanj sêhu si sêkênj whinj sinj njagahô enj. ¹⁸ Ma wit njawhê nanj sêpej sêsip kwanj ti njakwa njalôm, nanj hêganônj lau nanj sêngô Anötö ndê yom, ¹⁹ tigenj sêhêgo dau pi gêtj nom-njga kêlêc, ma lêtj atac whinj mone ti wapa nom-njga hê njac si gauc njapanj e kôm Anötö ndê yom ahuc, ma njandô mbasi.

²⁰ Ma wit ñawhê nan sêpeñ sêsip nom ñayham, ma sem ñandô 30, me 60, me 100, nan hêganôñ lau nan sêngô Anötö ndê yom, sêkôc sa e tidôñ, ma sem ñandô daêsam.”

Dasiñ lam ñawê kwi dom
(Luk 8:16-18)

²¹ Ma Yisu sôm têtñ ñac, “Lam inñ gêtñ pô gameñ-nga, ma bocdinanñ yac tanğatôc ña suc ahuc me dasiñ kwi sôc sasac ñapu dom. Mba! Tanğinñ êngalêtñ ñalhu bu ñawê pô gameñ. ²² Ma ñalêtñ tigenñ, yom nanñ yêc siñ dau me ñahu sip ñalôm gi, nanñ oc meñ sa tiawê. ²³ Asa nanñ dangasunñ bu yêc, nanñ ñgô.”

²⁴ Ma inñ gic têtñ yom ma sôm, “Akôc gauc ñapep pi Anötö ndê yom nanñ mac añgô. Mac bu atac whinñ bu anyalê ñahu, dec Anötö oc kêtñ gauc têtñ mac, ma inñ oc kôm mac nem gauc êñsôwec tiatu. ²⁵ Bu asa nanñ kôc Anötö ndê yom sa sip ndê ñalôm e tidôñ, nanñ Anötö oc kêtñ gauc têtñ inñ êñlêc. Magoc asa nanñ kôc sa tidôñ dom, nanñ Anötö oc kôc inñ ndê yom honñ su yêc inñ.”

Yom gôlinñ pi gêtñ ñawhê nanñ po pi meñ

²⁶ Ma Yisu sôm, “Ñalêtñ nanñ Anötö ndê gôlinñ kêsôwec, nanñ gitôm gêtñ ñawhê nanñ ñamalac danñ sô sip ndê ôm. ²⁷ Ma tinambu inñ yêc bêc ôbwêc ma tisa têtñ acsalô, ma ñawhê dau po pi meñ. Magoc ñamalac dau kêyalê ñalêtñ dom. ²⁸ Têtñ ñamata-nga ñawhê dau hóc nom kôc ma ñagatôm pi meñ, malô goc ñamlha sa ma tinambu gêm ñandô. ²⁹ Magoc têtñ ndoc gêtñ ñandô dau tilôwê inñ oc ndic su, bu bêc sêhonñ gêtñ ñandô sa-nga meñ sa.”

Yom gôliṅ pi gêṅ ṅawhê sauṅ
(Mat 13:31-32; Luk 13:18-19)

³⁰ Ma Yisu sôm, “Aö wasôm yom gôliṅ bocke tu bu wawhê ṅalêṅ naṅ Anötö ndê gôliṅ kêsôwec, naṅ sa? Aö wanem dôhôn pi gêṅ sake bu wawhê sa? ³¹ Anötö ndê gôliṅ gitôm gêṅ ṅawhê sauṅ andô dan naṅ dasô sip nom, gitôm a soc ṅawhê. ³² Gêṅ dau gêṅ sauṅ andô, tigeṅ yac bu dasô sip nom ndi, dec oc po tiatu e hôc gêlêc gêṅ ôm-ṅga hoṅ su. Ma ṅasaṅgac oc sêhê baliṅ e mbac lôlôc-ṅga sêmeṅ sêhê si ṅaic yêc ayuṅ ṅayham dau.”

³³ Yom gôliṅ kaiṅ dinaṅ Yisu sôm têṅ lau ṅapaṅ. Iṅ kêdôhôn ṅac tôm ṅac si gauc. ³⁴ Yom hoṅ naṅ iṅ sôm têṅ ṅac, naṅ iṅ sôm ṅa yom gôliṅ. Ma têṅ têm naṅ iṅ ti ndê ṅgacsêṅomi sêmbo tawasê, naṅ iṅ whê gêṅ hoṅ sa têṅ ṅac.

Yisu kôm bu ṅamponṅ timalô
(Mat 8:23-27; Luk 8:22-25)

³⁵ Têṅ acsalô dinaṅ kêpiṅ bu ṅasec sa, naṅ Yisu sôm têṅ iṅ ndê ṅgacsêṅomi, “Yac dalhö, dapi bugic-ton ṅadaṅga dandi.” ³⁶ Goc sêhu lau toṅ atu dinaṅ siṅ ma sêkôc Yisu whiṅ ṅac sêpi waṅ dan ma sêlhö si. Ma waṅ ṅatô sêlac sêwhiṅ. ³⁷ Sêlac si ma mbu puc atu ma gêli bu ṅamponṅ sa gic sip waṅ e kêpiṅ bu waṅ pac. ³⁸ Magoc Yisu teṅ gwalim ma yêc bêc yêc waṅku-ṅga. ṅgacsêṅomi sêuṅ iṅ sa, ma sêsôm têṅ iṅ, “Kêdôhônwaga, bocke? Am hêgo daôm dom bu yac oc dandiṅaṅ, a?” ³⁹ Goc iṅ tisa, ma sôm yom ṅaṅga têṅ mbu ti bu ṅamponṅ bocdec bu, “Naṅ gitôm! Timalô!” Goc mbu timalô ma gameṅ ṅaṅeṅ sa. ⁴⁰ Ma iṅ sôm têṅ ṅac bu, “Tu sake-ṅga mac atöc daôm kêlêc? Bocke? Mac akêṅ whiṅ aö dom, a?”

41 Magoc ñac sêsö ti sêtöc dau ñandô ma sêndac dandi, “In asa dec? Gêñ hon sêsöc in ndê yom ñapu, ma mbu ti bu ñampon sêwhin!”

5

Yisu kôm ñgac ti ñalau sac ñayham sa (Mat 8:28-34; Luk 8:26-39)

1 Yisu ti ndê ñgacsêñomi sêhóc asê Bugicton Galili-ñga ñadañga têtñ gameñ ac pi-ñga, ma sêsöc baö yêc lau Gerasa-ñga si gameñ. 2 Sêpi baö si, ma ñgac dañ nan ñalau sac mbo in ndê ñalôm, nan sa akêñ ôm sêhó-ñga ma têtñ Yisu gi. 3 In ñgac dau êlê mê ndöc ôm sêhó-ñga, ma têtñ daêsam lau sêñsahê bu sêsö in dôñ ña wac me ña sen, magoc gitôm dom. 4 Têtñ daêsam sêsö in amba ti gahi dôñ ña sen, magoc in hê sen kic ma sen gapocwalô gahi-ñga su. Lau dañ sêtôm dom bu sêkôm in timalô. 5 Têtñ acsalô ti ôbwêc, in mbo ôm sêhó-ñga ti gameñ ñabaö, ma tañ asê ma kôc hoc ma tuc-tuc dau ñamlic tisac.

6 Têtñ têtñ dinan in gêlic Yisu kalhac ahê, goc kêtñ gi ma pôtñ haduc yêc in añgô-ñga. 7-8 Ma Yisu sôm têtñ in, “Ñalau sac, am hu ñgac dinan siñ.” Dec ñalau dau mbwêc atu ma sôm, “Yisu, Anötö Ñaclai ti Ñawasi Ñadau ndê Atu, am bu kôm sake têtñ aö? Tu Anötö ndê ñaê-ñga, aö wateñ am bu kôm aö ñayom dom.” 9 Goc Yisu ndac in, “Am nem ñaê asa?” Ma ñalau sac ô yom ma sôm, “Aneñ ñaê ‘Tonñ Atu,’ bu yac ñalau daêsam.” 10 Ma ñalau dau teñ Yisu tidim daêsam, bu soc ñac su yêc gameñ dinanñ dom.

11 Têtñ têtñ dinanñ bôc tonñ atu sen gêñ sêmbo lôc ñapu yêc gameñ dinanñ. 12 Goc ñalau sac sêteñ Yisu

ma sêsôm, “Êmkiņ yac atêņ bôc dindê andi, bu yac asôc bôc si ŋalôm.” ¹³ Yisu gôlôc goc ŋalau sac sêhu ŋgac dinan siņ, ma sêsôc bôc ŋalôm si. Goc bôc hoņ sênti si e sêsip salic sac, ma sêsip bugictoņ e bu kô ŋac sêmbac ndu. Bôc dau toņ atu, ŋanamba gitôm 2,000. ¹⁴ Goc lau sêyob bôc-ņga sênti si, ma sic miņ yom dinan têņ lau naņ sêmba malac atu ti gameņ ŋamakê-ņga. Ma lau dau sêsa si bu sêlic gêņ naņ Yisu kôm. ¹⁵ Sêhôt asê iņ ma sêlic ŋgac naņ Yisu soc ŋalau sac toņ atu dinan su yêc iņ, naņ ndôc ti gauc ŋawa ma sôc ŋakwê, dec ŋac sêtôc dau. ¹⁶ Ma lau naņ sêlic gêņ dau, naņ sic miņ pi gêņ naņ Yisu kôm têņ ŋgac ti ŋalau sac, ma têņ bôc. ¹⁷ Goc lau gameņ dinan-ņga sêteņ Yisu ŋaņga bu hu ŋac si gameņ siņ.

¹⁸ Têņ ndoc Yisu bu pi waņ ndi, naņ ŋgac naņ iņ soc ŋalau sac su yêc iņ, naņ teņ iņ ŋaņga bu whiņ iņ ndi. ¹⁹ Magoc Yisu sôm, “Mba! Am mbu têņ nem lau ndi, ma ndic miņ têņ ŋac pi ŋalêņ naņ Pômdau tawalô am, ma pi gêņ hoņ naņ iņ kôm têņ am.” ²⁰ Goc ŋgac dau kôlhô gi, ma kêgihi gameņ naņ sêsam bu Dekapolis,* ma gic miņ yom pi gêņ atu naņ Yisu kôm têņ iņ. Ma lau hoņ sêhêdaê.

*Yisu kôm awhê lu ŋayham sa
(Mat 9:18-26; Luk 8:40-56)*

²¹ Yisu ti ndê ŋgacsêņomi sêpi waņ ma sêmbu sêpi bugictoņ ŋadaņga si. Ma têņ ndoc iņ sip baö gi, naņ lau toņ atu sêkac sa e sêņgihi iņ ahuc. ²² Ma ŋgac dan ŋaê Jairas, naņ yob lau Israel-ņga si lôm wê-ņga yêc gameņ dinan, naņ meņ hôt asê. Iņ gêlic Yisu goc hu

* **5:20:** Dekapolis - ŋaê dinan danem kwi bu ‘malac amanlu.’ Malac amanlu dinan sêyêc Bugictoņ Galili-ņga ŋagameņ têņ ac pi-ņga.

dau sip nom yêc in gahi-nga. ²³ Ma in ten in nanga bocdec bu, “Aneñ bawhê saun gêmbac atu kêpin bu oc mbac ndu. Aö tac whin bu am mwen, kêñ amam sac in tu bu in mbac ndu dom, ma nayham sa tiyham.” ²⁴ Goc Yisu whin in gi.

Yisu kêsêlêñ mbo, ma lau daêsam sêñkuc in ma sêñgihi in ahuc. ²⁵ Lau ton dinan si dan in awhê nan gêm dac napan tòm yala 12. ²⁶ In kêsalê dokta daêsam bu sênem in sa, ma gêmlihi ñac e in ndê mone hon pacndê. Magoc ñac sêtôm dom bu sênem in sa. In hóc ñandê atu tu ñac-nga, ma gêmbac dau hóc gêlêc su. ²⁷⁻²⁸ Awhê dau ngô Yisu ñawaê su, dec gauc gêm têñ dau bu, “Aö bu wamasec in ndê ñakwê, dec oc kôm aö nayham sa.” Tu dinan-nga in kêsêlêñ yêc lau ton atu ñalôm kêkuc in, ma kêmasec in ndê ñakwê. ²⁹ Ma ñagahô eñ in ndê dac sa tiyham dom, ma in kêsahê bu in ndê gêmbac pacndê su.

³⁰ Yisu kêyalê bu ñac lai sa yêc in, goc ñagahô in kac dau kwi yêc lau ton atu ñalôm ma ndac, “Asa kêmasec aö neñ ñakwê?” ³¹ Magoc in ndê ñgacsêñomi sêo yom ma sêsôm, “Lic lau daêsam dindêc s êkôm am si. Bocke dec am ndac bu ñac si asa kêmasec am?” ³² Magoc Yisu taso lau hon, ma kêsalê ñamalac nan kôm gêñ dau. ³³ Awhê dau kêyalê bu in nayham sa su, dec têñ Yisu gi ma pôn haduc yêc in anğô-nga. In töc dau ti kêtitec mbo, ma hoc yom asê pi gêñ nan in kôm. ³⁴ Goc Yisu sôm ten in, “O aneñ bawhê, am nem kêñ whin aö dec kôm am nayham sa. Am ndi ti atac malô, kwahic dec am nem ñawapac pacndê su.”

³⁵ Yisu sôm yom dinan mbo, ma lau ñatô sêmen akêñ Jairas ndê andu, ma sêsôm têñ in, “Am

atômwê mbac ndu su. Tu sake-nga am bu kên
 ñawapac têt Kêdôhôn-waga? Sôm têt in bu men
 dom.” ³⁶ Tigen Yisu hêgo dau tu ñac si yom-nga
 dom, ma sôm têt Jairas, “Tôc daôm dom, kên whin.”
³⁷ Goc Yisu kalhac lau hon ahuc, ma kôc Pita,
 ma Jems lu ndê asidôwa Jon, ma sêwhin Jairas si.
³⁸ Sênsêlên si e sêhóc asê Jairas ndê andu, ma Yisu
 gêlic lau sêkôm ñanta atu, ñac sêhu dangibo asê ma
 sêtañ. ³⁹ Goc in sôc gi ma ndac ñac, “Mac akôm
 ñanta ti dangibo atu dindec tu sake-nga? Bawhê
 dau mbac ndu dom, in yêc bêc nan yêc.” ⁴⁰ Magoc
 ñac sêmbwac in. Yisu kên ñac sêsa awê si, ma kôc
 bawhê ñadamba lu dinda ti ñgacsênomi tó dinañ
 sêwhin in si, ma sêhóc ñalôm nan bawhê yêc. ⁴¹ In
 kêm bawhê dau sip amba ma sôm têt in, “Talita,
 k umi.” (Yom Hibru dau danem kwi bu, ‘Bawhê
 saun, am tisa.’) ⁴² Ma ñagahô en bawhê dau, nan
 ndê yala ti 12, nan tisa ma kêsêlên. Ma lau hon nan
 sêlic gêt dau, nan sêhêdaê ñandô. ⁴³ Magoc Yisu kên
 yao ñanga bu sêsôm gêt dau asê têt lau ñatô dom.
 Ma in sôm bu sêkên gêt danen-nga têt bawhê dau
 nen.

6

Yisu ndê lau sêkôc in sa dom (Mat 13:54-58; Luk 4:16-30)

¹ Yisu mbu têt in ndê malac-hu gi, ma in ndê
 ñgacsênomi sênkuc in. ² Têt bêc Sabat-nga dan in
 sôc lôm wê-nga gi, ma gic hu kêdôhôn lau. Ma lau
 daêsam nan sêngô in ndê yom, nan sêhêdaê ma
 sêsôm têt dandî, “Aluê! In ñgac dec tap gêt hon
 dindec sa yêc nde? Asa kên gauc atu-tu dinañ têt

in, ma ñaclai tu kôm gêñ dalô-nga? ³ In yac neñ ngac nañ mun-nga kôm gwelen kapenta-nga. In Maria ndé atungac, ma Jems, Josep, Judas ma Saimon dôwa! Ma in ndé lhuwêi sêmbo sêwhiñ yac.” Ma ñac atac lu-lu tu in-nga. ⁴ Goc Yisu sôm têtñ ñac, “Lau hon sêtoc propet dan sa, tigen yêc in ndé malachu, in ndé asidôwai ma in dau ndé lau sêtoc in sa dom.” ⁵ Ma yêc gameñ dinañ in gitôm dom bu kôm gêñ dalô daêsam. In kêñ amba sac lau gêmbac tigen-tigen, ma kôm ñac ñayham sa. ⁶ Ma in hêdaê bu ñac sêkêñ whiñ in dom.

Tinjambu in kêsêlêñ golom-golom malac, ma kêdôhôn lau.

*Yisu kêkin ngacsêñomi 12 sêsa si
(Mat 10:7-11; Luk 9:1-5)*

⁷ Yisu mbwêc ndé ngacsêñomi 12 sêtêñ in sêmeñ, ma in kêkin ñac lu-lu sêsa sêtêñ malac ñatô si, bu sênem mêtê lau. Ma in kêñ ñaclai têtñ ñac bu sêsoc ñalau sac su yêc lau. ⁸⁻⁹ In kêkin ñac ti sôm yom têtñ ñac bocdec bu, “Anjêlêñ andi, magoc akôc wapa daêsam dom. Asôc nem atapa ma akôc nem tôc, dec tôm. Ampwic hacgêlê dom, ma akôc gêñ danen-nga me awa me ñakwê aô daôm-nga dom. ¹⁰ Têtñ ndoc mac asôc malac dan andi, ma lau sêkôc mac sa asôc ñac si andu, nañ ambo whiñ ñac e mac ahu malac dau siñ. ¹¹ Ma lau malac dan-nga bu sêkôc mac ti nem yom sa dom, goc aton kop su yêc gahim têtñ ndoc mac ahu ñac siñ, bu atôc ñac si giso asê.”

¹² Goc ñac sêlhô si ma sem mêtê bu lau sênem si ñalôm kwi ma sêhu mêtê sac siñ. ¹³ Sêsoc ñalau sac daêsam su yêc lau, ma sêmbac olib ñakwi pi lau gêmbac daêsam ma sêkôm ñac ñayham sa.

*Herod gauc gêm yom daêsam pi Yisu
(Mat 14:1-2; Luk 9:7-9)*

¹⁴ Lau sic miñ pi Yisu napañ e inñ ndê waê tiapa, ma Kiñ Herod ngô ñawaê pi inñ whiñ. Lau ñatô sêsôm bu, “Yisu inñ Jon, Ngac Kêku Lau-nga, nañ tisa akêñ lau batê-nga, ma bocdinañ inñ kôc ñaclai bu kôm gêñ dalô.” ¹⁵ Ma ñatô sêsôm, “Mba! Inñ ngac dec inñ propet Elaija nañ tisa akêñ lau batê-nga.” Ma ñatô sêsôm, “Mba! Inñ propet danñ tôm propet akwa-kwa.” ¹⁶ Magoc têtñ têtñ Herod ngô yom dinañ pi Yisu, nañ inñ sôm, “Ngac dê mboe Jon, ngac nañ aô gatim inñ kachu kic, nañ tisa akêñ lau batê-nga.”

*Herod gic Jon, Ngac Kêku Lau-nga ndu ñamin
(Mat 14:3-12)*

¹⁷⁻¹⁸ Muñ-nga, Herod kôc inñ asi Pilip ndê awhê Herodias ma gêm ti ndê awhê. Dec Jon hoc Herod ndê giso asê ma sôm têtñ inñ, “Am gêm nem asim ndê awhê, dec kôm gêñ so sambuc.” Tu dinañ-nga Herod kêkiñ ndê lau siñ-nga bu sêkôc Jon dôn, ma sêkêñ inñ ndôc gapocwalô. ¹⁹ Tu Jon ndê yom-nga, Herodias êlêmê tac ñandê têtñ inñ ma tac whiñ bu sêndic inñ ndu. Magoc inñ gitôm dom, ²⁰ bu Herod kêyalê bu Jon inñ ngac gitêñ ti dabuñ, dec töc Jon ma yob inñ ñapep. Herod tac whiñ bu ngô Jon ndê yom, magoc Jon ndê yom kôm inñ gauc gêm yom daêsam. ²¹ Tiñambu Herodias tap lêñ danñ sa bu lau sêndic Jon ndu. Têtñ Herod ndê bêt dinda kôc inñ-nga, nañ Herod ndê mwasiñ danñ ma kêgalêm inñ ndê lau atu-tu, ti lau bata siñ-nga, ma lau bata Galili-nga. ²² Nac sêndôc mwasiñ dau ñalôm ma Herodias atuwê sôc meñ ma têt wê. Gêñ dau kôm Kiñ Herod ti ndê ñaclenñ honñ atac ñayham kêlêc. Goc

in̄j sôm têt̄j bawhê dau, “Am ndac gêt̄j bocke nan̄ am atac whin̄j, ma wakêt̄j têt̄j am.”²³ Ma in̄j kêmatin̄j yom têt̄j in̄j bocdec bu, “Gêt̄j nan̄ am bu ndac, nan̄ aô wakêt̄j têt̄j am, tôm aô wawhê neñ wapa hon̄ kôc ndi ton̄ lu ma wakêt̄j ton̄ dan̄ têt̄j am.”²⁴ Goc bawhê dau sa gi ma ndac dinda, “Aô wandac gêt̄j sake?” Ma dinda ô yom ma sôm, “Am ndac Jon, Ngac Kêku Lau-nga ndê ñagôlôn̄j.”²⁵ Goc bawhê dau kac dau kwi ma kêt̄i mbu têt̄j Kin̄ Herod gi, ma sôm têt̄j in̄j bu, “Aô tac whin̄j bu kwahic dec, am tim Jon, Ngac Kêku Lau-nga ndê kachu kic, goc kêt̄j in̄j ndê ñagôlôn̄j sip pele dan̄ ma kêt̄j têt̄j aô, bu walic pi tanôn̄j bu in̄j mbac ndu ñandô.”²⁶ Yom dau kôm Kin̄ Herod ñalôm ñawapac atu, tigen̄ tu in̄j kêmatin̄j yom yêc ñacleñ hon̄ an̄gô-nga, dec kôm tôm bawhê dau ndac.²⁷ Ma ñagahô in̄j kêkin̄j ñgac dan̄ bu ndic Jon ndu ma kôc in̄j ñagôlôn̄j mbu meñ. Ngac dau sôc gapocwalô gi, tim Jon ndê kachu kic,²⁸ ma kêt̄j ñagôlôn̄j sip pele dan̄. Goc kôc sa gi kêt̄j têt̄j bawhê, ma bawhê kêt̄j têt̄j dinda gêlic.

²⁹ Têt̄j têt̄m Jon ndê sêñomi sêñgô gêt̄j dau ñawaê, nan̄ sêmeñ ma sêkôc in̄j ndê ñamlan̄ sa, ma si sêñsuhun̄j.

Yisu ndê ñgacsêñomi sêmbu sêmeñ

³⁰ Ngacsêñomi nan̄ Yisu kêkin̄j ñac sêsa si, nan̄ sêmbu sêtêt̄j in̄j sêmeñ, ma sic min̄j pi gêt̄j hon̄ nan̄ sêkôm, ma yom nan̄ sêndôhôn̄j têt̄j lau.³¹ Têt̄j têt̄m dinan̄j lau daêsam sêwê sêtêt̄j Yisu sêmeñ ñapan̄, dec ñasawa mba bu in̄j ti ndê lau sêneñ gêt̄j. Tu dinan̄-nga dec in̄j sôm têt̄j ñac, “Mac tamwasêm awhin̄j aô, ma yac dasa gameñ sawa dan̄ dandi, ma tan̄whan̄ daun̄j.”

Yisu gôlôm lau 5,000

(Mat 14:13-21; Luk 9:10-17; Jon 6:1-15)

³² Bocdinaŋ ɲac sêpi waŋ daŋ bu sêlhô sêtêŋ gameŋ sawa daŋ sêndi. ³³ Magoc lau daêsam sêlic ɲac sêpi waŋ ma sêŋyalê bu Yisu ti ndê lau. Bocdinaŋ lau akêŋ malac hoŋ yêc gameŋ dinaŋ sêŋkuc ɲac, sênti sêmbo baö ma sêhóc gêlêc ɲac. ³⁴ Têŋ têm Yisu ti ndê ɲgac-sêŋomi sêsôc baö si, iŋ gêlic lau daêsam dinaŋ ma tawalô ɲac, bu ɲac sêtôm domba naŋ si ɲgac yob ɲac-ɲga mba. Dec iŋ gic hu kêdôhôn yom daêsam têŋ ɲac.

³⁵ Sêmbo e telha sa, goc Yisu ndê ɲgacsêŋomi sêtêŋ iŋ si ma sêsôm, “Gameŋ dindec gameŋ sawa, ma ac pacndê. ³⁶ Kêŋ lau dau sêlhô sêtêŋ malac ti gameŋ ɲamakê-ɲga sêndi, bu sênemli gêŋ sêneŋ-ɲga.” ³⁷ Magoc Yisu sôm, “Mba! Mac daôm akêŋ gêŋ têŋ ɲac sêneŋ.” Ma ɲac sêo yom ma sêsôm, “Lau dindec ɲac lau daêsam andô! Yac bu anemli bolom ɲa mone atu gitôm †denarii 200, dec oc tôm bu ɲac hoŋ sêneŋ ɲagec-ɲagec. Yac akôm bocdinaŋ, a?” ³⁸ M a iŋ ndac, “Mac nem bolom hiŋga ndöc? Andi alic.” Ma ɲac si sêlic goc sêmbu sêmeŋ ma sêsôm, “Yac mba bolom limdaŋ, ma i lu sêndöc.”

³⁹ Goc Yisu sôm têŋ ɲac bu sêkêŋ lau hoŋ sêndöc sic titoŋ-titoŋ sêndöc kwaŋ. ⁴⁰ Ma lau hoŋ sêndöc sic titoŋ-titoŋ, toŋ ɲatô gitôm lau 100, ma ɲatô gitôm 50. ⁴¹ Goc Yisu kôc bolom limdaŋ ma i lu sa, tatac undambê ma gêm mbec, goc pô bolom kôc-kôc, ma kêŋ têŋ ɲgacsêŋomi bu sêndic sam têŋ lau. Goc iŋ kôm bocdinaŋ pi i lu. ⁴² Lau hoŋ seŋ gêŋ e hóc ɲac dôŋ. ⁴³ Ma tiŋambu ɲgacsêŋomi sic bolom ti i ɲadêlê sa sip gatop 12 e meŋhu.

⁴⁴ Yisu gôlôm lau toŋ atu dinaŋ, ma lauŋgac naŋ sêmbô toŋ dau ŋalôm ma seŋ gêŋ, naŋ si namba gitôm 5,000.

*Yisu kêsêlêŋ mbo bu ŋahô
(Mat 14:22-33; Jon 6:16-21)*

⁴⁵ Têŋ têm dinaŋ Yisu kêŋ ndê ŋ gacsêŋomi sêpi waŋ daŋ si, ma kêkiŋ ŋac sêmuŋ iŋ sêpi bugictôŋ ŋadaŋga, bu sêtêŋ malac Betsaida sêndi. Ma iŋ dau mbo baö bu kêŋ lau toŋ atu dinaŋ sêlhö si. ⁴⁶ Iŋ hu ŋac siŋ su, goc pi lôc daŋ gi bu teŋ mbec.

⁴⁷ Nâsec sa su, ma waŋ dau sa bugictôŋ ŋalhu, ma Yisu tawasê mbo baö. ⁴⁸ Iŋ gêlic ndê ŋgac-sêŋomi sêhêc waŋ ŋaŋga, bu mbu atu kêsêlêŋ ma puc ŋac dôŋ. Têŋ ôbwêc lôm iŋ kêsêlêŋ mbo bu ŋahô, ma sa têŋ ŋac gi. Iŋ bu hôc gêlêc ŋac, ⁴⁹ magoc têŋ ndoc sêlic iŋ kêsêlêŋ mbo bu ŋahô, ŋac gauc gêm bu sêlic ŋalau daŋ. Nâc sêmbwêc atu, ⁵⁰ bu ŋac hoŋ sêlic iŋ ma sêtöc dau. Magoc ŋagahô iŋ sôm yom têŋ ŋac bu, “Ŋalôm pêŋ dôŋ ma atöc daôm dom, bu aö daŋ dindec!” ⁵¹ Goc iŋ kêsêlêŋ têŋ ŋac ma pi waŋ gi. Ma mbu timalô ma binôŋ sip. Nâc sêhêdaê ŋandô, ⁵² ŋahu bu ŋac sêlic gêŋ naŋ iŋ kôm pi bolom ti i, magoc ŋac si gauc sa dom pi iŋ ndê ŋaclai. Nâc si ŋalôm ŋadandi.

*Yisu gêm lau gêmbac sa yêc malac Genesaret
(Mat 14:34-36; Jon 6:22-25)*

⁵³ Nâc sêhêc asê malac Genesaret yêc bugictôŋ ŋadaŋga, ma sêsô waŋ dôŋ. ⁵⁴ Nâc sêsip baö si ma ŋagahô lau sêŋyalê bu Yisu. ⁵⁵ Goc sênti sêtêŋ malac hoŋ yêc gameŋ dinaŋ, ma sêkêŋ Yisu ŋawaê. Ma tiŋambu lau sêmbalaŋ si lau gêmbac sêtêŋ malac

bocke nanj sêngô bu Yisu mbo. ⁵⁶ Ma malac atu ti saun, me gamej ñamakê-nga bocke nanj Yisu mbo, nanj lau sêtoc si lau gêmbac sêyêc maket ñamala, ma sêtej Yisu bu ñac sêmasec inj me bu sêmasec inj ndê ñakwê ñambwa. Ma lau honj nanj sêmasec inj, nanj ñamlic ñayham sa.

7

*Gêj nanj kôm ñamalac ñadômbwi sa yêc Anötö anjô-
nga*

(Mat 15:1-20)

¹ Lau Palêsai ti kédôhônwaga yomsu-nga ñatô akêj Jerusalem sêtêj Yisu si. ² Ma ñac sêlic bu inj ndê ñgacsêjomi ñatô sêjngwasinj amba dom ma senj gêj. Bocdinaj ñac gauc gêm bu ñgac-sêjomi si amba ñadômbwi. ³ Ñac gauc gêm yom dinaj, ñahu bu lau Palêsai ti lau Israel-nga daêsam sêjnkuc mêtê nanj lau andô sic dulu têtj ñac, bu sêjngwasinj amba munj su, goc sênej gêj. ⁴ Ma têtj ndoc sêmbu akêj maket sêmej,* nanj sêjngwasinj amba munj, goc sênej gêj. Ma ñac sêjngwasinj laclhu ti akôp ma suc, ma sêjnkuc mêtê kairj dinaj daêsam, nanj lau andô Israel-nga sic dulu têtj ñac.

⁵ Bocdinaj lau Palêsai ti kédôhôn-waga yomsu-nga dinaj sêndac Yisu, “Tu sake-nga am nem ñgac-sêjomi sêjnkuc ñagôlinj nanj lau andô sic dulu têtj yac, nanj dom, ma senj gêj ti amba ñadômbwi?” ⁶ Ma

* **7:4:** Têtj ndoc lau Palêsai ma lau †Skraib sêmbu maket, nanj semlhi gêj yêc lau Israel ñatô nanj sêhêgo dau tu Moses ndê yomsu-nga dom, ma †lau gamej apa-nga nanj sêmbu maket ñamala. Ñac gauc gêm bu lau dau oc sêkôm ñac ñadômbwi sa yêc Anötö anjô-nga, ma bocdinaj sêjngwasinj amba têtj ndoc sêmbu akêj maket sêmej.

Yisu ô yom ma sôm, “Propet Aisaya hoc yom asê mun su, nan hêganôn mac lau atim yom lau-nga solop. Yom dau sêto yêc bocdec bu:

Lau dindéc sêtoc aô sa na whasun nambwa, tigen nac si nalôm yêc dan dau-nga.

⁷ Nac sem akiñ aô nandô dom, ma yom nan sêndôhôn têt lau, nan namalac si yomsu nambwa.” *[Ais 29:13]*

⁸ Goc Yisu gic têt ku yom ma sôm, “Mac ahu Anötö ndê yomsu sin, ma asap namalac nambwa si nagôlin dôñ. ⁹ Mac alic nayham bu asap mac daôm nem nagôlin dôñ, magoc atec Anötö ndê yomsu, a? ¹⁰ Bu Moses to Anötö ndê yomsu bocdec bu, ‘*Toc damam lu dinam sa.*’ Ma in to yom dan whin bocdec bu, ‘*Ngac dan bu sôm yom sac pi in damba lu dinda, nan lau sêndic in ndu man.*’ ¹¹ Tigen mac andôhôn lau bu sêngilî yomsu dinañ. Namalac dan ndê awa me gêt bu yêc bu nem damba lu dinda sa, magoc in bu ndic yao gêt dau ma sôm têt inlu, ‘Gêt nan bu nem amlu sa, nan gasam bu Koban.’ (Yom Koban dinañ nahu bu in kêyalin gêt dau sa bu kêt ti da têt Anötö.) ¹² Tu dinañ-nga in gêm in damba lu dinda sa dom, ma mac alic nayham. ¹³ Nalêt dinañ mac asen Anötö ndê yom popoc ma ankuc lau andô si nagôlin nan apami sic dulu têt mac. Mac akôm mêtê daêsam gitôm dinañ.”

¹⁴ Goc Yisu ta lau hon sêtêt in sêmên tiyham, ma sôm, “Mac lau hon, angô ma anyalê. ¹⁵⁻¹⁶ Gêt hon nan yêc awê ma sip namalac natak nalôm, nan nadañ kôm in nadômbwi sa yêc Anötö angô-nga dom. Magoc mêtê ti gauc sac nan men akêt namalac nalôm, nan kôm in nadômbwi sa yêc Anötö angô-

nga.”

¹⁷ Tinjambu Yisu hu lau dinaŋ siŋ ma iŋ ti ndê ngacsêŋomi sêsôc andu daŋ si. Goc sêndac iŋ pi yom gôliŋ dinaŋ ŋahu. ¹⁸ Ma iŋ ndac ŋac, “Bocke dec mac atôm lau ŋatô naŋ si gauc sa dom? Alic bu gêŋ n aŋ yêc awê, ma sip ŋamalac ŋatac ŋalôm, naŋ oc kôm iŋ ŋadômbwi sa dom. ¹⁹ ŋahu bu gêŋ dinaŋ sip iŋ ŋalôm ti gauc dom, magoc sip iŋ ŋatac ŋalôm goc tinjambu sa meŋ tiyham.” (Yisu ndê yom dinaŋ tôc asê bu Anötö gic yao gêŋ danen-ŋga daŋ bu gêŋ ŋadômbwi dom.)

²⁰ Ma iŋ gic têku yom ma sôm, “Gêŋ sac bocke naŋ sa yêc ŋamalac si ŋalôm me whasuŋ, naŋ kôm iŋ ŋadômbwi sa yêc Anötö aŋgô-ŋga. ²¹⁻²² Mêtê sac daésam ŋahu yêc ŋamalac si ŋalôm. Gauc sac, mêtê sênem kaŋ gêŋ-ŋga, sêndic ŋamalac ndu-ŋga, mêtê mockaiŋ-ŋga naŋ lau naŋ sem dau sa su, ma lau naŋ sem dau sa su dom naŋ sêkôm, lêŋ atac whiŋ awa ti wapa-ŋga, mêtê sêlic lau sac-ŋga ti sêŋsau lau-ŋga, mêtê sêneŋ gêŋ ŋawahô-ŋga, mêtê ŋalôm ŋagalac-ŋga ti mêtê lêmuŋ-ŋga, ma sêsôm yom sac-sac-ŋga, mêtê sêtoc dau sa-ŋga, ma lêŋ gauc mbasi-ŋga. ²³ Mêtê sac kaiŋ dinaŋ hoŋ ŋahu yêc ŋamalac si ŋalôm, ma kôm ŋac ŋadômbwi sa yêc Anötö aŋgô-ŋga.”

*Awhê Kanan-ŋga daŋ kêŋ whiŋ ŋaŋga
(Mat 15:21-28)*

²⁴ Yisu ti ndê ngacsêŋomi sêhu gameŋ dinaŋ siŋ, ma sêtêŋ gameŋ naŋ yêc kêpiŋ malac Taya ma sêsôc andu daŋ si. Iŋ tec bu lau daŋ sêŋyalê gameŋ naŋ iŋ mbo, magoc iŋ gitôm dom bu siŋ dau. ²⁵⁻²⁶ Awhê daŋ mbo gameŋ dinaŋ, naŋ ŋalau sac

dan mbo in atuwê ñalôm. In awhê Grik-nga nan dinda kôc in yêc gameñ Sairo-Pionisia-nga. Têñ ndoc awhê dau ngô ñawaê pi Yisu, nan têt in gi, ma hu dau sip nom yêc in gahi-nga. Ma in ten Yisu ñannga bu in soc ñalau sac dau su yêc in atuwê.

²⁷ Ma Yisu sôm têt in, “Gêñ ñamata-nga dakên gêñ danen-nga têt balêkoc bu sênen e hôc ñac dôñ. Solop dom bu dakôc balêkoc si gêñ danen-nga, ma tambalin têt giam sênen.” ²⁸ Magoc awhê dau ô yom ma sôm, “Yomandô Pômdau, magoc giam nan sêndôc tebo ñapu, nan sen gêñ ñapopoc nan balêkoc sênyain sip nom.” ²⁹ Goc Yisu sôm, “Tu am nem yom dinan-nga dec aô wanem am sa. Am mbu ndi ma am oc lic bu ñalau sac dau hu am atômwê sin su.” ³⁰ Goc awhê dau mbu têt ndê andu gi, ma tap sa bu ñalau sac dau hu in atuwê sin ma bawhê dau yêc bêc yêc ndê mbô.

Ngac awha mba ma dangasun bic

³¹ Yisu ti ndê ñgacsêñomi sêhu malac Taya ñagameñ sin. Ñac sêñsêlên sêmbo sen têt malac Saidon goc sêtên bugicton Galili-nga, ma sêpi bugicton ñadannga ma sêtên gameñ Dekapolis-nga si. ³² Yêc gameñ dinan lau ñatô sêkôc ñac dan dangasun bic ma awha mba ma sêtên Yisu si, ma sêten in bu kên amba sac in. ³³ Lau daêsam sêlhac dindê, goc Yisu kôc ñac dau ma inlu sêsa ñasawa saun si sêlhac dau-nga. Ma in kên amba-atu sôc ñac dau dangasun, ma in hu gasôp pi amba-atu ma kên pi ñac dau êmbala. ³⁴ Goc in tatak undambê, sê awha atu, ma sôm têt in bu, “Epata.” (Yom dau danem kwi bu ‘Po asê.’) ³⁵ Ma ñagahô in dangasun po asê, êmbala tigolon, ma in sôm yom yêc awê.

³⁶ Yisu gic yao lau bu sêndic miŋ pi gêŋ dinan têt lau ŋatô dom, magoc sêsôc iŋ ndê yom ŋapu dom. Iŋ gic yao ŋac tidim daêsam, magoc ŋac sic miŋ pi iŋ hóc gêlêc su. ³⁷ Ma lau honŋ nanŋ sêŋgô, nanŋ sêhêdaê ŋandô ma sêsôm, “Iŋ kôm gêŋ honŋ ŋapep eŋ, ma gitôm bu kôm lau danŋgasuŋ bic sêŋgô yom, ma lau awha mba sêsôm yom asê.”

8

Yisu gôlôm lau 4,000 (Mat 15:29-39)

¹ Têt têt dinan lau daêsam sêkac sa tiyham e lau toŋ atu sêmbo sêwhiŋ Yisu. Iŋ gêlic bu ŋac si gêŋ sêneŋ-ŋga mba, goc ta ndê ŋgacsêŋomi sêtêŋ iŋ sêmeŋ, ma sôm têt ŋac bu, ² “Aô tanwalô lau dindêc, bu sêmbo sêwhiŋ aô gitôm bêc tō su, ma ŋac si gêŋ sêneŋ-ŋga pacndê. ³ Ma aô bu wakêŋ ŋac sêlhô ti gêŋ yô ŋac, dec ŋac oc tagôlô yêc seŋ. ŋac si lau ŋatô sêmeŋ akêŋ gameŋ baliŋ.” ⁴ Magoc iŋ ndê ŋgacsêŋomi sêô iŋ ndê yom ma sêsôm, “Yac dambo gameŋ sawa, ma oc dakôc gêŋ danêŋ-ŋga y êc nde, nanŋ tôm bu lau honŋ dindêc sêneŋ?” ⁵ Ma Yisu ndac ŋac, “Mac nem bolom hiŋga ndôc?” Ma ŋac sêsôm, “Yac mba bolom 7 sêndôc.”

⁶ Goc Yisu sôm têt lau bu sêndôc sic sêndôc nom. Ma iŋ kôc bolom 7 dinan ma gêm danŋe, pô kôc-kôc, ma kêt têt ndê ŋgac-sêŋomi bu sêndic sam têt lau, dec sic sam. ⁷ Ma ŋac si i mwambwa ŋatô sêndôc, nanŋ Yisu gêm mbec whiŋ, ma sôm bu sêndic sam têt lau. ⁸ Ma lau honŋ seŋ e hóc ŋac dôn, goc ŋgacsêŋomi sic ŋadêlê sa sip gatop 7 e meŋhu. ⁹ Lauŋgac nanŋ seŋ gêŋ dau, nanŋ si namba gitôm

4,000. Tiŋambu Yisu kêŋ ŋac sêlhö si, ¹⁰ ma inŋ ti ndê ŋgac-sêŋomi sêpi waŋ danŋ ma sêtêŋ gameŋ nanŋ sêsam bu Dalmanuta, nanŋ si.

Lau Palêsai sêndac Yisu bu kôm gêŋ dalô
(Mat 16:1-4)

¹¹ Lau Palêsai ŋatô sêtêŋ Yisu si, ma sic hu sêŋsu inŋ. Ŋac bu sêŋsahê inŋ, dec sêndac inŋ bu kôm gêŋ dalô danŋ bu tîc asê bu inŋ kîc ŋaclai yêc Anötö ndê. ¹² Magoc Yisu h ulai ma sôm têŋ ŋac, “Tu sake-ŋga mac lau têm dindec-ŋga aŋsalê gêŋ dalô? Yomandô wasôm t êŋ mac bu aö wakôm gêŋ dalô tîm mac andac, nanŋ danŋ dom.” ¹³ Goc inŋ hu ŋac siŋ ma pi waŋ tiyham whiŋ ndê ŋgac-sêŋomi ma sêlhö bu sêmbu sêpi bugictonŋ ŋadaŋga sêndi.

Yisu puc lau Palêsai ti Herod si giso asê
(Mat 16:5-12)

¹⁴ Têŋ ndoc ŋgacsêŋomi sêpi waŋ dau si, nanŋ sêŋlhiŋ dau siŋ bu sêkîc bolom ŋatô, ma ŋac si bolom tigenŋ yêc waŋ dau ŋalôm. ¹⁵ Ma Yisu sôm yom ti ŋaŋga têŋ ŋac bu, “Ayob daôm ŋapep pi lau Palêsai si yist ma Herod ndê yist.” ¹⁶ Ma ŋac sem yomgalôm sêwhiŋ dandi ma sêsôm, “Inŋ sôm yom dinaŋ ŋahu bu yac neŋ bolom mbasi.” ¹⁷ Yisu kêyalê yom nanŋ ŋac sêsôm, dec sôm têŋ ŋac, “Tu sake-ŋga mac am yomgalôm ma gauc gêm bu yom nanŋ aö gasôm pi yist, nanŋ ŋahu bu mac nem bolom mba? Bocke mac nem gauc sa pi gêŋ honŋ nanŋ aö gakôm, nanŋ dom? Mac nem ŋalôm ŋadandi sa, a? ¹⁸ Tanôm yêc, magoc mac alic gêŋ danŋ ŋapep dom. Danŋamsuŋ yêc, magoc mac aŋgô yom dom. Gauc nem gêŋ nanŋ aö gakôm su. ¹⁹ Têŋ têm nanŋ aö gac sam bolom amanŋdanŋ têŋ lau 5,000, nanŋ mac ahonŋ

ɲadêlê sa sip gatop hiŋga?” Ma sêsôm, “Gatop 12.”
²⁰ Goc Yisu sôm, “Ma têtj têtj naŋ aö gac sam bolom
 7 têtj lau 4,000, naŋ mac ahonj ɲadêlê sa sip gatop
 hiŋga?” Ma sêsôm “Gatop 7.” ²¹ Goc inj sôm têtj ɲac,
 “Ma bocke dec mac nem gauc sa su dom?”

Yisu kôm ɲgac tapec ɲayham sa

²² ɲac sêlac waŋ si e sêhôt asê malac Betsaida.
 Ma lau ɲatô sêkôt ɲgac tapec daŋ sêtêtj Yisu si, ma
 sêndac Yisu bu kêŋ amba sac inj. ²³ Goc Yisu kêŋ inj
 sip amba, ma wê inj sa malac ɲamakê gi. Inj hê gasôp
 pi inj tandô ma kêŋ amba sac inj, ma ndac, “Am gêlic
 gêtj daŋ me mba?” ²⁴ Ma ɲgac dau hôt tandô sa ma
 sôm, “Aêc, aö galic ɲamalac sêŋsêlêtj sêmbo, magoc
 galic ɲac ɲadauŋ-dauŋ. Aö galic ɲac sêtôm a.” ²⁵ Goc
 Yisu kêŋ amba sac inj tandô tiyham, ma inj tandô po
 asê ma ɲayham sa. Ma inj gêlic gêtj honj ɲawa ɲayham.
²⁶ Goc Yisu kêŋ inj kölhö gi ma sôm, “Am lhö solop
 têtj nem andu ndi. Mbu sôt malac dec ndi dom.”

Pita hoc Yisu ɲahu asê

(Mat 16:13-20; Luk 9:18-21)

²⁷ Tiŋambu Yisu ti ndê ɲgac-sêŋomi sêlhö bu sêtêtj
 malac ɲatô naŋ yêc kêpiŋ Sisaria-Pilipai sêndi.
 Sêŋsêlêtj sêmbo seŋ ma Yisu ndac ɲac bocdec bu,
 “Lau sêsôm bu aö asa?” ²⁸ Ma ɲac sêsôm têtj inj,
 “Lau ɲatô sêsôm bu am Jon, ɲgac Kêku Lau-ɲga, ma ɲatô
 sêsôm bu am Elaija, ma ɲatô sêsôm bu am propet
 akwa-kwa si daŋ.” ²⁹ Dec inj ndac ɲac, “Ma mac
 daôm, mac asôm bu aö asa?” Ma Pita ô inj awha
 ma sôm, “Am Mesaya dau.” ³⁰ Goc Yisu gic yao ɲac
 bu sêsôm inj asê têtj lau daŋ dom.

*Yisu sôm gwanan bu in oc hóc nandê
(Mat 16:21-23; Luk 9:22)*

³¹ Têñ tēm dinan Yisu gic hu kêdôhôn nác pi gêñ nan oc hóc asê Namalac ndê Atu. In oc hóc nawapac daêsam, ma lau bata Israel-nga ti †dabuñsiga atu-tu ma lau nan sêndôhôn yomsu oc sêtec in. Lau oc sêndic in ndu, ma tiñambu bêc tö niñga su in oc tisa tiyham. ³² In sôm yom dinan yêc awê, dec Pita kôc in sa nasawa sauñ gi, ma sôm in. ³³ Magoc Yisu kac dau kwi, tahê ndê ngacsêñomi ma sôm Pita bocdec bu, “Sadan, kôc daôm sa lhö su! Bu am kêyalê Anötö ndê lêñ dom, am bu êmkuc namalac si gauc nambwa.”

*Lau nan sêñkuc Yisu oc sêhóc nawapac
(Mat 16:24-28; Luk 9:23-27)*

³⁴ Goc in mbwêc ndê ngac-sêñomi ti lau daêsam nan sêñkuc in, nan sêtêñ in sêmeñ, ma sôm têñ nác, “Asa nan tac whin bu êñkuc aö, nan êngwiniñ dau ma hóc ndê a gicso dau sa, ma êñkuc aö. ³⁵ Bu asa nan tac whin bu sap gêñ nom-nga dôn napan tu mbo tali-nga, nan oc niñga. Magoc asa nan bu hu gêñ nom-nga sin tu êñkuc aö-nga ma tu nawaeñ nayham-nga, nan oc niñga dom. ³⁶ Namalac dan bu po gêñ nom-nga hon sa, magoc in dau gatu bu niñga, dec gêñ nom-nga hon dinan oc tôm dom bu nem in sa. ³⁷ Bu gêñ nayham bocke yêc, nan gitôm bu dakêñ têñ Anötö ô yac neñ gatun?”

³⁸ “Lau tēm dindec-nga nác lau sac, ma sêpuc dômbwê Anötö ma sêsa si lêñ bambalin tôm lau mockain-nga. Asa nan kwahic dec maya tu aö ti

anew yom-nnga, nan Nmalac ndê Atu oc maya tu in-nnga têt ndoc nambu-nnga nan in mbu men ti Damba Anötö ndê nawasi, ma anela dabun sêwhin.”

9

¹ Ma in sôm têt nac, “Yomandô aö wasôm têt mac! Lau natô kwahic dec sêmbö, nan oc gacgen sêmbö tali e sêlic Anötö ndê gölin men sa tiawê ma ti nac lai atu.”

*Pita, Jems ma Jon sêlic Yisu ndê nawasi
(Mat 17:1-13; Luk 9:28-36)*

² Bêc 6 ginnga su goc Yisu kôc Pita, Jems ma Jon sêwhin in, ma nac tawasê sêpi lôc baling dan si. Têt têm dinan Yisu ndê namlic kain dan sa, ma sêlic in ndê nawasi. ³ In ndê nakwê sêp sambuc ma nawasi atu, hóc gêlêc gêt sêsêp nom-nnga hon. ⁴ Ma sêlic Elaija lu Moses sêhoc dau asê, ma inlu sem yomgalôm sêwhin Yisu. ⁵ Goc Pita sôm têt Yisu, “Kêdôhônwaga, nayham kêlêc bu yac dambo lec. Yac oc akwê bac tö tu mac ambo-nnga, am nem bac dan, Moses nde dan, ma Elaija ndê bac dan.” ⁶ Ngacsênomi tö dinan sêtöc dau atu, ma bocdinar Pita gêm gauc yom tu sôm-nnga. ⁷ Têt dinan dao dan men kêtatöc nac ahuc, ma awha dan sa yêc dao nalôm, nan sôm, “Aö nen atungac dau dindec, nan aö atac whin ndu andô. Angô in ndê yom man.” ⁸ Ma nagahô nac tahê gamej dau, ma sêlic bu Yisu tawasê mbo whin nac.

*Gêndac pi Elaija
(Mat 17:10-13)*

⁹ Tinambu nac sêsip akên lôc dau sêmen, ma Yisu kên yao bu sêsôm yom pi gêt nan sêlic yêc lôc, nan

asê dom e tòm N̄amalac ndê Atu tisa akêṅ lau batê-ṅga. ¹⁰ Tu dinaṅ-ṅga ṅac sem yom dinaṅ ahuc yêc ṅac dau, magoc sem yomgalôm sêwhiṅ dandi ṅapaṅ pi gêṅ dau. N̄ahu bu Yisu ndê yom pi iṅ tisa akêṅ lau batê-ṅga, naṅ sêṅyalê ṅahu dom.

¹¹ Ma sêndac Yisu, “Lau Skraib naṅ sêndôhônṅ yomsu, naṅ sêsôm bu Elaija oc meṅ hóc asê muṅ, ma tiṅambu Mesaya oc meṅ. Yom dau ṅahu bocke?” ¹²⁻¹³ Ma Yisu sôm, “Elaija gic waê bu hóc asê muṅ Mesaya, bu êmasaṅ gêṅ hoṅ tisolop. Ma aö wasôm têṅ mac, bu Elaija meṅ hóc asê su. Ma lau sêkôm mêtê sac têṅ iṅ tòm ṅac atac whiṅ, tòm Anötö ndê yom naṅ sêto yêc gwananṅ su. Ma yom naṅ sêto yêc pi N̄amalac ndê Atu naṅ sôm bu iṅ gic waê bu hóc ṅandê atu, ma lau oc sêpu iṅ ma sêtec iṅ. Mac aṅyalê yom dau ṅahu, me mba?”

*Yisu soc ṅalau sac su yêc balê daṅ
(Mat 17:14-21; Luk 9:37-43)*

¹⁴ Yisu ma ṅgacsêṅomi tö dinaṅ sêsip akêṅ lôc dau sêmeṅ ma sêlic bu kêdôhônṅwaga yomsu-ṅga ṅatô ma Yisu ndê ṅgacsêṅomi ṅatô sêsôm dau sêmbô, ma lau toṅ atu sêṅgihi ṅac ahuc. ¹⁵ Têṅ ndoc lau hoṅ dinaṅ sêlic Yisu naṅ sêhêdaê ṅandô, ma sênti sêtêṅ iṅ si ti sêhê mwalêc iṅ. ¹⁶ Ma Yisu ndac ṅac bu, “Mac asôm daôm pi yom bocke?” ¹⁷ Ma ṅamalac daṅ naṅ mbo lau toṅ atu ṅalôm, naṅ ô yom ma sôm, “Kêdôhônṅwaga, aö gakôc aneṅ balê dindec gamenṅ, bu ṅalau sac daṅ mbo iṅ ṅalôm ma kôm iṅ awha mba. ¹⁸ Têm ṅatô ṅalau sac dau kôc iṅ dôṅ ma tuc iṅ sip nom gi, kôm iṅ whapwic sa ma seṅ lhô, ma iṅ amba ti gahi ṅaṅga sa. Aö gandac am nem ṅgacsêṅomi bu sêsoc ṅalau dau su, magoc ṅac sêtôm

dom.” ¹⁹ Yisu ngô yom dau ma sôm, “O mac lau, aö gambo gawhin mac ñasawa hic baliñ su, ma bocke mac atôm dom bu akôm gêñ dan? Aö wambo wawhin mac ñapañ dom! Mac nem akêñ whin mbasi. Akôc balê dau sa amenj.”

²⁰ Dec sêkôc balê dau sêtêñ Yisu sêmenj, ma têtñ têtñ ñalau sac gêlic in, nañ ñagahô in kêmwanan balê dau ti ñanga, goc tuc in sip nom gi, ma in kêpi ti whapwic sa yêc nom. ²¹ G oc Yisu ndac balê dau ñadamba, “Ñalau sac kôm in bocdinañ tôm yala hinğa?” Ma damba sôm, “In mbo bocdinañ têtñ têtñ in balêkoc saun ñapañ e kwahic dec. ²² Ma ndoc daêsam ñalau sac dau tuc in peñ sip bu me sip ya, ma kôm bu ndic in ndu ninğa. Tigenj am bu nditôm, dec tamwalô alu ma nem alu sa.” ²³ Goc Yisu sôm têtñ in, “Bocke dec am sôm têtñ aö, ‘Am bu nditôm?’ Mac bu akêñ whin, dec gêñ honj oc nditôm.” ²⁴ Ma ñagahô balê ñadamba ta yom ma sôm, “Aö gakêñ whin. Nem aö sa bu wakêñ whin ñanga.”

²⁵ Yisu gêlic bu lau daêsam sênti sêmenj, dec hec yom ñalau sac ma sôm, “Am ñalau danğasun bic ma awha mba-nga, aö wandic atu am bu hu balê dindec sin, ma sôc in ñalôm tiyham dom!” ²⁶ Goc ñalau sac dau mbwêc asê ma kêmwanan balê dau ñalêñ sac, goc sa awê gi. Ma balê dau yêc gitôm ngac batê dan, dec lau daêsam sêsôm, “In mbac ndu su.” ²⁷ Tigenj Yisu kêm in sip amba, keñ in sa, ma in tisa kalhac.

²⁸ Tinjambu Yisu sôc andu danj gi, ma in ndê ngacsênomi sêndac in gelec, “Bocke dec yac atôm dom bu asoc ñalau dinañ su?” ²⁹ Ma in sôm, “Mac bu asoc ñalau kainj dinañ su, nañ atenj mbec ñanga. Ñalêñ danj mba.”

*Yisu sôm tiyham bu in oc mbac ndu ma tisa
(Mat 17:22-23; Luk 9:43-45)*

³⁰⁻³¹ Yisu ti ndê ngacsêjomi sêhu gameŋ dinan sinj, ma sênsêlêŋ sêmbo gameŋ Galili-ŋga. Yisu bu êndôhônj ɲac têŋ têm dinanj, dec tec bu lau sênyalê gameŋ nanj ɲac sêmbo. In sôm têŋ ɲac, “Tinambu oc sêkêŋ Ƴamalac ndê Atu sip lau ɲatô amba. Ƴac oc sêndic in ndu, magoc têŋ bêc tō ɲinga su, in oc tisa tiyham.” ³² Magoc ɲac si gauc sa pi in ndê yom dom, ma sêtöc dau bu sêndac in pi yom dau ɲahu.

*Asa ti ɲamalac ɲamata-ŋga?
(Mat 18:1-5; Luk 9:46-48)*

³³ Ƴac sênsêlêŋ e sêhóc asê malac Kapenaom, goc si sêndöc andu danj. Ma Yisu ndac ɲac, “Mac asenj daôm pi gêŋ sake yêc senj?” ³⁴ Magoc ɲac sem dôŋ, bu yêc senj ɲac sem yomgalôm sêwhin dandi pi ɲac si asa in ɲac ɲamata-ŋga. ³⁵ Yisu ndöc sic ma ta ngacsêjomi 12 sêtêŋ in si, ma sôm têŋ ɲac, “A sa nanj bu ti ɲamalac ɲamata-ŋga yêc Anötö anğô-ŋga, nanj êngwiniŋ dau ti ɲac ɲambu-ŋga, ma nem akiŋ lau honj.” ³⁶ Goc in kôc balêkoc saun danj ma kêŋ in kalhac ɲac ɲalhu. Ma in kêgape in ma sôm, ³⁷ “Asa nanj bu kôc balêkoc saun danj tôm in dindec, nanj sa tu aö neŋ ɲaê-ŋga, nanj gitôm in kôc aö daun sa. Ma asa nanj kôc aö sa, nanj kôc aö tarwasêŋ sa dom, magoc kôc Damanj nanj kêkiŋ aö gameŋ, nanj sa bocdinanj.”

*Lau nanj sêkôm gwelenj tu Yisu-ŋga, nanj sêwhê dau kôc dom
(Luk 9:49-50)*

³⁸ Têŋ bêc danj Jon sôm têŋ Yisu bu, “Kêdôhônjwaga, yac alic ɲac danj kôm gwelenj ma

soc n̄alau sac su yêc lau n̄a am nem n̄aê. Yac ac yao in̄, bu in̄ kêkuc am whin̄ yac dom.” ³⁹ Magoc Yisu sôm, “Alhac in̄ ahuc dom, bu n̄amalac nan̄ kôm gêñ dalô n̄a aneñ n̄aê, nan̄ gitôm dom bu kac ndê awha kwi n̄agahô, ma sôm yom sac pi aô. ⁴⁰ Asa nan̄ kêñ kisa yac dom, nan̄ yac neñ dan̄. ⁴¹ Yomandô aô wasôm têñ mac bu asa nan̄ kôm gêñ saun̄ dan̄ bu nem mac sa tu mac an̄kuc aô Kilisi-n̄ga, gitôm in̄ kêñ bu laclhu dan̄ têñ mac anôm, nan̄ Anötö oc êñlhin̄ in̄ sin̄ dom. In̄ oc kêñ n̄agêyô n̄ayham têñ in̄.”

Puc pi lêtôm

(Mat 18:6-9; Luk 17:1-2)

⁴² Ma Yisu sôm, “N̄amalac dan̄ bu tim balêkoc saun̄ dan̄ nan̄ kêñ whin̄ aô bu kôm mêtê sac, nan̄ kôm giso atu. Oc n̄ayham bu dasô hoc atu dan̄ pi in̄ kachu, ma tambalin̄ in̄ sip gwêc ndi nin̄ga. Ma bocdinan̄ oc tôm dom bu in̄ tim balêkoc dau, ma tin̄ambu tap Anötö ndê matôc sa.

⁴³⁻⁴⁴ “Am amam bu kôm sac, nan̄ tim kic. Am bu tap undambê sa, ma ndöc tamli ti amam gatuc, nan̄ n̄ayham hôc gêlêc am kôm sac n̄a amam lu-lu e am sip ya lambwam-n̄ga nan̄ sa n̄apan̄, nan̄ ndi. ⁴⁵⁻⁴⁶ Ma gahim bu kôm sac, nan̄ tim kic. A m bu tap undambê sa, ma ndöc tamli ti gahim gatuc, nan̄ n̄ayham hôc gêlêc am kôm sac ti gahim lu-lu e Anötö tuc am sip ya lambwam-n̄ga nan̄ sa n̄apan̄, nan̄ ndi. ⁴⁷ Ma am nem tanôm bu kôm sac, nan̄ kip sa. Am bu ndöc Anötö ndê gameñ undambê-n̄ga ti tanôm tigen̄, nan̄ n̄ayham hôc gêlêc am kôm sac ti tanôm lu-lu e Anötö tuc am sip lambwam ndi. ⁴⁸ Yêc gameñ dinan̄ lau oc sêhóc n̄andê n̄apan̄, tôm

yom nanj Aisaya to yêc bocdec bu, ‘*Dombo oc mbac ndu dom, ma ya oc sa napanj.*’

49 “Bocdinañ ayob daôm tu lêtôm-nga, bu Anötö oc kêñ ya êmbô lau honj,* gitôm lau sêkêñ gwêc so pi wata tu bu yêc ñayham ñasawa baliñ. 50 Gwêc so dau inñ gêñ ñayham, magoc ñamakic bu niñga, oc dakôm ñamakic sa tiyham ñalêñ nde? Bocdinañ ambo lau nom-nga ñalôm atôm gwêc so, ma ambo awhiñ daôm ti yom malô.”

10

*Anötö tec bu awhê lu ñgac sêhu dau siñ
(Mat 19:1-12)*

1 Yisu ti ndê ñgacsêñomi sêhu gameñ dinañ siñ, ma sêtêñ gameñ Judia-nga si. Goc sêpi Bu Jordan ñadañga nanj yêc têtñ gameñ ac pi-nga, nanj si. Yêc gameñ dinañ lau daêsam sêkac sa tiyham ma sêtêñ inñ si, ma inñ kêkuc inñ ndê mêtê ma kêdôhônñ ñac.

2 Ma lau Palêsai ñatô sêmeñ ma bu sêtim Yisu, dec sêndac inñ bocdec bu, “Ñgac dañ bu hu ndê awhê siñ, nanj oc êñgili yomsu, me mba?” 3 Ma Yisu ndac ñac ô, “Moses to yomsu bocke?” 4 Goc sêsôm, “Moses sôm bu ñgac dañ gitôm bu to bapia hu nawhê siñ-nga, goc hu ndê awhê siñ.” 5 Ma Yisu sôm, “Aêc. Moses to yomsu dinañ tu mac nem ñalôm ñadandi-nga. 6 Magoc têtñ têtñ Anötö kêñ undambê ti nom,

* **9:49:** Yom nanj yêc ñabatiñ 49 nanj ñahu yêc awê dom, magoc lau ñatô gauc gêm bocdec bu. Anötö tac whiñ bu lau sêkêñ whiñ Yisu-nga sêhu mêtê sac honj siñ ma sêsa lêtñ gitêñ eñ. Gêñ bocke nanj bu lhac ñac ahuc tu sêtap gameñ undambê-nga sa, nanj sêhu siñ tôm yom nanj yêc ñabatiñ 43-47 whê sa. Ma Anötö oc kêñ ya êmbô lau gitôm lau sêpec gol ña ya tu bu ñadômbwi niñga ma gol ñawasi solop yêc.

nañ inñ kêmasañ ñamalac ñgac ti awhê. ⁷ Ma tu dinañ-ñga ‘ñgac dañ oc hu damba lu dinda siñ, ma sap inñ nawhê dôñ, ⁸ ma inñlu sêti gêñ tigen.’ Yom dau whê sa bu inñlu sêmbo sêtôm ñamalac lu dom, inñlu sêti gêñ tigen yêc Anötö anğô-ñga. ⁹ Bocdinañ yham dom andô bu ñamalac sêkac gêñ nañ Anötö dau kêñ pitigen, nañ su.”

¹⁰ Tinambu Yisu ti ndê ñgac-sêñomi sêndöc andu dañ, ma sêndac inñ pi yom dinañ ñahu. ¹¹ Ma inñ sôm, “Ñgac nañ hu inñ ndê awhê siñ ma gêm awhê wakuc, nañ kôm gêñ mockain-ñga têtñ inñ yêc Anötö anğô-ñga. ¹² Ma awhê nañ hu nakwen siñ ma gêm ñgac wakuc, nañ kôm gêñ mockain-ñga bocdinañ.”

Yisu gêm mbec balêkoc

(Mat 19:13-15; Luk 18:15-17)

¹³ Têtñ bêc dañ lau sêhoñ si balêkoc sêtêtñ Yisu si, bu inñ kêñ amba sac ñac. Magoc inñ ndê ñgac-sêñomi sêsôm dinda ti dambai. ¹⁴ Têtñ têtñ Yisu gêlic gêñ dau inñ tac ñandê, ma sôm têtñ ñac, “Atec balêkoc dinañ sêtêtñ aö sêmen. Alhac ñac ahuc dom, bu Anötö ndê gôliñ gic lau nañ sêtôm balêkoc saunñ dindec, nañ ñawaê. ¹⁵ Aö wasôm yomandô têtñ mac bu asa nañ bu sôc Anötö ndê gôliñ ñapu gitôm balêkoc saunñ dañ dom, nañ oc nditôm dom bu sôc ndi.” ¹⁶ Goc inñ kôc balêkoc dau sa ma kêgape ñac. Ma inñ kêñ amba sac ñac, ma gêm mbec ñac.

Ngac ti lêtôm

(Mat 19:16-22; Luk 18:18-23)

¹⁷ Yisu ti ma kêsêlêtñ mbo senñ whiñ ndê ñgacsêñomi. Ma ñgac dañ kêtñ menñ ma pônñ haduc yêc inñ anğô-ñga, ma ndac inñ bocdec bu, “Kêdôhônñwaga ñayham, aö wakôm bocke dec tinambu

Anötö oc kôc aö sa wandöc tanli napan.” ¹⁸ Goc Yisu sôm têtj inj, “Tu sake-nga am sam aö bu nayham? Anötö tigen inj nayham. ¹⁹ Am kêyalê yomsu nan Anötö kêj têtj Moses, ‘*Ndic ñamalac ndu dom. Kôm gêj mockaij-nga dom. Nem kanj gêj dom. Sôm yom tasanj pi lau dom. Êmsau lau bu kôc ñac si gêj dom,*’ ma ‘*Toc damam lu dinam sa.*’ ” ²⁰ Ma inj sôm, “Kêdôhôn-waga, aö kakuc yomsu honj dinanj, têtj ndoc aö gambo balê napan e kwahic dec.” ²¹ Yisu tahê inj ma tac whinj inj kêlêc. Ma inj sôm, “Gêj tigenj yêc tu am kôm-nga. Am ndi, kêj am nem gêj honj têtj lau sênemlhi, ma kêj ña-awa têtj lau ñalôm sawa. Ma bocdinanj am nem awa ñandô oc yêc undambê. Ma tiñambu am mweñ ma êmkuc aö.” ²² Magoc têtj têtj ñgac dau ñgô Yisu ndê yom dinanj inj wec, ma kölhô ti ñalôm ñawapac gi. Nahu bu inj ñgac ti lêtôm.

Puc pi awa ti wapa

(Mat 19:23-30; Luk 18:24-30)

²³ Goc Yisu tahê lau honj, ma sôm têtj inj ndê ñgacsênjomi, “Lau ti lêtôm si awa ti wapa kalhac ñac ahuc e gitôm dom bu sêsôc Anötö ndê gôlinj ñapu ñagahô.” ²⁴ Nac sênjô inj ndê yom dinanj e sêhêdaê. Ma Yisu sôm têtj ñac tiyham, “O anej balêkoc atac whinj-nga, ñamalac bu sêsôc Anötö ndê gôlinj ñapu, nanj gêj sauñ dom. ²⁵ Bôc atu danj gitôm kamel, oc tôm bu sôc so ñalasê ñagahô, hóc gêtêc ñgac ti lêtôm danj bu sôc Anötö ndê gôlinj ñapu.” ²⁶ Yisu ndê ñgac-sênjomi sênjô yom dinanj ma sêhêdaê ñandô. Ma sêsôm têtj dandi, “Bu bocdinanj dec asa oc tôm bu tap Anötö ndê mwasiñ nem lau si-nga sa? Oc ñawapac atu!” ²⁷ Yisu tahê ñac ma sôm, “Gêj nanj

ɲamalac sêtom dom bu sêkôm, naɲ Anötö gitôm bu kôm, bu Anötö gitôm bu kôm gêɲ hoɲ.”

²⁸ Goc Pita sôm têtɲ inɲ, “Yac oc bocke? Yac ahu gêɲ hoɲ siɲ tu aɲkuc am-ɲga.” ²⁹ Ma Yisu ô yom ma sôm, “Aö wasôm yomandô têtɲ mac. Asa naɲ bu hu andu, me asidôwai, me lhuwêi, me dinda lu damba, me balêkoc, me nom siɲ tu aö-ɲga ma tu gwelenɲ ɲawaê ɲayham-ɲga, ³⁰ naɲ Anötö oc kêtɲ gêɲ kaiɲ dinaɲ daêsam têtɲ inɲ ô, têtɲ ndoc inɲ mbo nom. Ma inɲ oc tap kisa ti ɲawapac sa tu aö-ɲga whiɲ. Ma têtɲ têm ɲambu-ɲga, Anötö oc kôc inɲ sa, ma kêtɲ inɲ ndöc tali ɲapaɲ yêc undambê. ³¹ Tigenɲ lau daêsam naɲ kwahic dec sêti lau ɲamata-ɲga, naɲ oc sêti lau ɲambu-ɲga, ma lau ɲambu-ɲga oc sêti lau ɲamata-ɲga.”

*Yisu sôm tiyham bu inɲ oc mbac ndu
(Mat 20:17-19; Luk 18:31-34)*

³² Yisu wê inɲ ndê ɲgacsêɲomi ma sêɲsêlêɲ sêmbo senɲ bu sêtêɲ Jerusalem sêndi. Inɲ ndê ɲgac-sêɲomi sêɲsêlêɲ ti sêhêdaê, ma lau ɲatô naɲ sêɲsêlêɲ sêwhiɲ ɲac, naɲ sêtöc dau.* Bocdinaɲ Yisu kôc ɲgacsêɲomi 12 sêsa si sêlhac dau-ɲga, ma sôm yom tiyham pi gêɲ naɲ oc hóc asê inɲ. ³³ Inɲ sôm, “Kwahic dec yac bu dapi malac Jerusalem dandi, ma ɲgac daɲ oc hoc ɲamalac ndê Atu asê ma kêtɲ inɲ sip dabuɲsiga atu-tu ti kêdôhônɲ-waga yomsu-ɲga amba. ɲac oc sêkic yom bu sêndic inɲ ndu, ma sêkêɲ inɲ sip lau Rom-ɲga amba. ³⁴ ɲac oc sêsu inɲ susu, sêhê gasôp pi inɲ, sêndic inɲ ɲamlic ɲandê ma sêndic inɲ

* **10:32:** Lau naɲ sêɲkuc Yisu naɲ sêhêdaê ti sêtöc dau, ɲahu bu ɲac gauc gêm yom naɲ Yisu sôm têtɲ ɲac su, pi gêɲ naɲ oc hóc asê inɲ têtɲ têm inɲ bu pi Jerusalem ndi. Alic Mak 8:31; ma 9:30.

ndu. Magoc tiŋambu bêc tö niŋga su, goc iŋ oc tisa tiyham.”

Jems lu Jon bu sêhóc gêlêc ŋgacsêŋomi ŋatô
(Mat 20:20-28)

³⁵ Jems lu Jon, Sebedi ndê atunƣac lu, sêtêŋ Yisu si ma sêsôm, “Kêdôhônwaga, alu atac whiŋ gêŋ daŋ, ma bu andac am bu kôm gêŋ dau ŋandô sa.” ³⁶ Goc Yisu ndac, “Amlu atac whiŋ bu aô wakôm sake?” ³⁷ Ma sêsôm, “Alu atac whiŋ bu têŋ ndoc am ndöc nem pôn kiŋ-ŋga ti ŋawasi atu, naŋ am kêŋ alu andöc awhiŋ am, daŋ ndöc amam andô-ŋga ma daŋ ndöc gasê-ŋga.” ³⁸ Magoc Yisu ô yom ma sôm, “Amlu aŋyalê gêŋ naŋ amlu andac, naŋ dom. Amlu atôm bu anôm gêŋ sip laclhu ŋawapac-ŋga naŋ aô wanôm, a? Ma atôm bu aliŋ saŋgu† naŋ aô oc waliŋ, a?” ³⁹ Ma iŋlu sêsôm, “Aêc, alu atôm.” Goc Yisu sôm, “Yomandô! Amlu oc anôm gêŋ sip laclhu tôm aô wanôm, ma aliŋ saŋgu tôm naŋ aô waliŋ.” ⁴⁰ Magoc aô dec oc waŋyaliŋ lau sa bu sêndöc aô amaŋ andô-ŋga ti amaŋ gasê-ŋga, naŋ dom. Anötö ti ŋadau bu êŋyaliŋ lau sa bu sêndöc dinaŋ.”

⁴¹ Têŋ ndoc ŋgacsêŋomi 10 sêŋgô yom dau ŋawaê, naŋ ŋac tac ŋandê têŋ Jems lu Jon. ⁴² Goc Yisu mbwêc ŋac sêtêŋ iŋ si, ma sôm, “Mac aŋyalê bu lau sambuc si gôliŋwaga sêtoc dau sa têŋ ŋac si lau, ma ŋac si lau bata sêŋgwiniŋ lau naŋ sêmbo ŋac ŋapu.” ⁴³ Tigeŋ mac aŋkuc ŋac si mêtê dau dom. Mba! Mac nem asa bu ti ŋamalac tiwaê yêc Anötö aŋgô-ŋga, naŋ nem akiŋ mac. ⁴⁴ Aêc! Asa bu ti mac nem

† **10:38:** Yisu ndê yom pi laclhu naŋ iŋ oc nôm, ma saŋgu naŋ iŋ oc liŋ, naŋ ŋahu sip ŋawapac daêsam naŋ oc hôc asê iŋ.

ɲamalac ɲamata-ɲga, naɲ êɲgwiniɲ dau ma ti mac honɲ nem ɲgac akiɲ ɲambwa. ⁴⁵ ɲahu bu lêɲ dau ti aneɲ lêɲ. ɲamalac ndê Atu meɲ tu bu lau sênem akiɲ iɲ-ɲga dom. Mba. Iɲ meɲ bu nem akiɲ lau, ma bu kêɲ dau ti da bu nemlhi lau daêsam si sac ɲatôp.”

*Yisu kôm ɲgac tapec Batimeas ɲayham sa
(Mat 20:29-34; Luk 18:35-43)*

⁴⁶ Yisu ti ndê ɲgacsêɲomi sêɲsêlêɲ e sêhóc asê malac Jeriko, ma lau toɲ atu sêɲkuc ɲac. Têɲ ndoc ɲac bu sêhu Jeriko siɲ, naɲ sêtap ɲgac tapec daɲ sa, naɲ ndóc seɲ ɲamakê ma teɲ gêɲ. Iɲ Batimeas, ɲgac daɲ ɲaê Timeas ndê atunɲac. ⁴⁷ Têɲ têm iɲ ɲgô bu Yisu Nasaret-ɲga kêsêlêɲ mbo seɲ, naɲ gic hu mbwêc yom asê bocdec bu, “Yisu, †Dawid ndê Atu, tamwalô aö!” ⁴⁸ Goc lau daêsam sêhec yom iɲ ma sêsôm bu iɲ nem dôɲ. Magoc iɲ mbwêc ti ɲaɲga, “Dawid ndê Atu, tamwalô aö.” ⁴⁹ Yisu ɲgô ɲac si yom ma kwê dôɲ kalhac, goc sôm têɲ lau, “Mac asôm têɲ iɲ bu meɲ.” Goc sêta yom têɲ ɲgac tapec dau ma sêsôm, “Tisa ti atac ɲayham! Iɲ ta am bu mweɲ.” ⁵⁰ Goc ɲgac dau kac ndê ɲakwê andô-ɲga baliɲ su yêc nom, ma tisa ɲagahô ma têɲ Yisu gi. ⁵¹ Ma Yisu ndac iɲ, “Am tac whiɲ bu aö wakôm sake têɲ am?” Ma ɲgac tapec dau sôm, “Kêdôhôn-waga, aö tac whiɲ bu tanôn ɲayham sa.” ⁵² Goc Yisu sôm, “Am ndi! Am nem kêɲ whiɲ aö dec kôm am ɲayham sa.” Ma ɲagahô iɲ tandô ɲawa sa, ma iɲ kêkuc Yisu mbo seɲ.

*Yisu sôc Jerusalem gi
(Mat 21:1-9; Luk 19:28-40; Jon 12:12-15)*

¹ Yisu ti ndê sêḅomi sêḅsêlêḅ sêḅêganôḅ Jerusalem e sêsuḅ sa malac Betani ma malac Betpangi yêc Lôc Olib. Goc Yisu kêkiḅ ndê ḅgacsêḅom lu, ² ma sôm têḅ iḅlu, “Asôc malac dindê andi, ma yêc dindê amlu oc atap donḅi dan sa, nan sêso dôḅ kalhac. Iḅ donḅi ḅatu wakuc, nan ḅamalac dan ndôc ḅahô muḅ su dom. Anḅapwêc su ma akôc sa amen. ³ Ma lau bu sêndac amlu bu bocke ma amlu anḅapwêc donḅi dau, nan asôm têḅ ḅac bu, ‘Pômdau tac whiḅ bu donḅi dindec nem iḅ sa ḅasawa sauḅ, goc iḅ oc kêḅ mbu meḅ.’ ”

⁴ Bocdinaḅ dec iḅlu sêso malac dau si ma sêtap donḅi dan sa, nan lau sêso dôḅ kalhac seḅ ḅadali k êpiḅ andu dan. Iḅlu bu sêḅapwêc su, ⁵ ma lau ḅatô nan sêlhac sêmpiḅ, nan sêndac iḅlu, “Amlu akôm sake, dec bu anḅapwêc donḅi dau su?” ⁶ Ma iḅlu sêso ḅac si yom tôḅ Yisu sôm têḅ iḅlu, dec sêhu donḅi dau siḅ têḅ iḅlu. ⁷ Sêwê iḅ sa sêtêḅ Yisu si, ma sêhu si ḅakwê awê-ḅga sac donḅi, goc Yisu pi gi ndôc ḅahô. ⁸ Ma lau daêsam sêhê si ḅakwê yêc seḅ. Ma lau ḅatô sêhêako a ḅalauḅ yêc seḅ ḅamakê ma sêkêḅ yêc seḅ. ⁹ Lau nan sêmuḅ Yisu ti lau nan sêḅkuc iḅ, nan sêmbwêc “Hosana! Anôtô nem mbec ḅgac nan meḅ gêm Pômdau anḅô. ¹⁰ Anôtô nem mbec iḅ nan meḅ bu puc abaḅ Dawid ndê gôliḅ dôḅ. Hosana têḅ Anôtô lôlôc-ḅga.”

¹¹ Yisu hêc asê Jerusalem, goc sêc lôḅ dabuḅ ḅabatêḅndô gi, ma gêlic gêḅ sambob nan yêc dindê. Magoc ac gi su dec iḅ ti ndê ḅgacsêḅomi 12 sêmbu sêsa malac Betani si bu sêyêc dindê.

Yisu pucbo a kiñ dañ
(*Mat 21:18-19*)

¹² Têñ bêbêc Yisu ti ndê ñgac-s êñomi sêhu Betani siñ ma sêñsêlêñ sêmbô señ, ma gêñ yô Yisu. ¹³ Inñ gêlic a kiñ dañ nañ kalhac ahê, goc têtñ a dau gi. Têm dinañ inñ têtñ nañ a kiñ sem ñandô dom, magoc Yisu gêlic bu a dinañ ñalauñ kêsôlô su dec kêtñ bata bu mboe kiñ ñandô oc sêñgalêñ. Magoc ñandô mbasi, inñ tap ñalauñ ñambwa sa. ¹⁴ Goc inñ pucbo a dau ma sôm, “Lau dañ oc sêneñ ñandô yêc a dindec tiyham dom.” Ma inñ ndê ñgacsêñomi sêñgô yom dau.

Yisu soc lau su yêc lôm dabuñ
(*Mat 21:12-17; Luk 19:45-46*)

¹⁵ Yisu ti ndê sêñomi sêñsêlêñ si e sêhóc asê Jerusalem, ma sêtêñ lôm dabuñ si. Yêc lôm dabuñ ñabatêmdô lau sêtidulu gêñ ti semlhi gêñ sêmbô, ma Yisu gic hu soc ñac sêsa awê. Inñ kac lau sêo mone-ñga si tebo sa, ma kac lau nañ sêyob balusi bu lau sênemlhi,* nañ si pôn sa whiñ. ¹⁶ Ma inñ gic yao lau bu sêkôc wapa sêtidulu-ñga sôc lôm dabuñ ñagameñ tiyham dom. ¹⁷ Ma inñ kêdôhôn lau ma sôm, “Sêto Anötô ndê yom yêc bocdec bu, ‘*Aö neñ andu gic waê bu lau akêñ gameñ hon sêteñ mbec sêmbô-ñga.*’ Mac añyalê yom dau, ma bocke dec mac akôm Anötô ndê andu ti lau kañ si gameñ?”

¹⁸ Tiñambu dabuñsiga atu-tu ma lau nañ sêndôhôn yomsu, nañ sêñgô ñawaê pi gêñ nañ Yisu kôm, ma sêñyalê bu lau sambob sêhêdaê tu inñ ndê yom-ñga. Tu dinañ-ñga dec sêtôc Yisu, ma

* **11:15:** Alic yom ñapu-ñga (footnote) yêc Mat 21:12.

sêḡsalê lêḡ bu sêḡdic iḡ ndu. ¹⁹ Yisu ti ndê ḡgac-sêḡnومي sêḡbo Jerusalem e ac gi sip, dec sêḡbu sêḡsa si.

*Yom pi lêḡ dakêḡ whiḡ ti daten mbec-ḡga
(Mat 21:20-22)*

²⁰ ḡgalaḡsê bêbêc Yisu ti ndê ḡgacsêḡnومي sêḡsêlêḡ bu sêḡbu sêḡtêḡ Jerusalem sêḡdi, ma sêḡhêc asê a kiḡ naḡ Yisu pucbo. ḡac sêḡlic bu a dau mbac, ḡasaḡḡac ti ḡawakac hoḡ tibasô. ²¹ Ma Pita gauc gêm Yisu ndê yom, dec sôm têḡ iḡ, “Kêḡdôhêḡwaga, lic a kiḡ naḡ am pucbo, naḡ mbac su.” ²² Goc Yisu ô yom ma sôm têḡ ḡac, “Akêḡ whiḡ Anôtô. ²³ Aô wasôm yomandô têḡ mac, bu asa naḡ bu sôm têḡ lôc daḡ bu, ‘Puc daôm sa ma sip gwêc ḡalôm ndi,’ ma atac lu-lu dom magoc kêḡ whiḡ bu Anôtô oc kôm yom dau ḡandô sa, dec gêḡ dau oc ḡandô sa. ²⁴ Boc-dinaḡ aô bu wasôm têḡ mac bu gêḡ bocke naḡ mac bu atenḡ Anôtô bu kêḡ têḡ mac, naḡ akêḡ whiḡ bu mac akêc su, ma aô wasôm yom ḡandô, iḡ oc kêḡ têḡ mac. ²⁵⁻²⁶ Ma têḡ ndoc mac bu atenḡ mbec, ma bu gauc nem lau naḡ sêkôm sac têḡ mac, naḡ goc asuc ḡac si sac kwi. Ma mac nem Damam naḡ mbo undambê, oc suc mac nem sac kwi bocdinaḡ.”

*Gêḡdac pi Yisu ndê ḡaclai ḡahu
(Mat 21:23-27; Luk 20:1-8)*

²⁷ Yisu ti iḡ ndê ḡgacsêḡnومي sêḡhêc asê malac Jerusalem tiyham ma sêḡtêḡ lôm dabuḡ si. Yisu kêsêlêḡ mbo lôm dabuḡ ḡabatêm-ndô, ma dabuḡsiga atu-tu ti kêḡdôhêḡwaga yomsu-ḡga ma lau bata sêḡtigasuc iḡ. ²⁸ Ma sêḡdac iḡ, “Am kêc ḡaclai yêc nde, bu kôm gêḡ hoḡ naḡ am kôm? Asa

kêñ têt am?” ²⁹ Goc Yisu sôm têt ñac, “Gêñ ñamata-
 ñga aô wakêñ gêndac dan têt mac. Mac bu aô aneñ
 yom, dec wasôm aneñ ñac lai ñahu asê têt mac.
³⁰ Asa kêñ ñac lai têt Jon dec in kêku lau? Anötö kêñ
 ñac lai têt in, me mba? Asôm têt aô.”

³¹ Ñac sem yomgalôm pi Yisu ndê gêndac, ma
 sêsôm têt dau, “Yac bu dasôm bu Anötö kêñ ñac lai
 têt Jon, goc Yisu oc ndac yac, “Tu sake-ñga mac
 akêñ whin Jon dom?” ³² Magoc yac bu dasôm
 bu Jon kêku lau kêkuc ñamalac nom-ñga si gauc
 ñambwa, goc lau oc sêlic yac sac.” Ñac sênjalê bu
 lau daêsam sêlic Jon bu propet dan, dec sêtöc dau.
³³ Bocdinañ sêsôm têt Yisu, “Yac añjalê dom.” Ma
 in sôm têt ñac, “Bocdinañ aô wasôm aneñ ñac lai
 ñahu asê têt mac dom.”

12

*Yom gôlin pi lau sêyob ôm wain-ñga
 (Mat 21:33-46; Luk 20:9-19)*

¹ Ma in gic hu yom gôlin dan ma sôm têt lau bata
 Israel-ñga dinañ, “Ngac dan sô ôm wain-ñga dan.
 In sô tun sa, kêmasañ gameñ tu lau sêmasañ wain
 ñakwi-ñga, ma kwê andu baliñ dan bu lau sêlhac ma
 sêtup lau kan. Tinambu in kêñ ôm dau têt lau ñatô
 sêyob, ma kölhö gi mbo gameñ dan. ² Têt têt sêndic
 wain ñandô sa-ñga, nañ ñadau kêkin ñgac akiñ dan
 têt lau sêyob ôm-ñga, tu bu sêkêñ wain ñandô ñatô
 têt in. ³ Tigeñ ñac sêlô in dôn, sic in ñamlic ñandê,
 ma sêkêñ in kölhö amba sawa gi. ⁴ Goc ñadau kêkin
 ñgac akiñ dan tiyham, tigeñ ñac sic in pi ñagôlôn,
 ma sêkôm mêtê sac têt in. ⁵ Tinambu ñadau kêkin
 ñgac titö-ñga, magoc ñac sic in ndu. Ma in kêkin lau

daêsam tiyham, ma ñac sic ñatô ñamlic ñandê, ma sic ñatô ndu. ⁶ Tiñambu ñgac tigen mbo, nañ ñadau ndê atunğac, nañ in tac whin ndu andô. Goc ñadau kêkin ndê atu dau têt ñac gi, ma gauc gêm têt dau, ‘Lau nañ sêyob aneñ ôm, nañ oc sêtoc aneñ atunğac dindec sa.’ ⁷ Tigen têt têt ñadau ndê atu hóc asê, nañ lau sêyob ôm-nga sêsôm têt dau, ‘Ñgac dinañ in ñadau ndê atunğac nañ oc wêkain ôm dindec ti ndê gêt lêngsêm. Bocdinañ dandic in ndu ma dakôc ôm dindec su ti yac neñ.’ ⁸ Ma sêkôc atunğac, sic in ndu ma sêtuc in sa awê gi.”

⁹ Goc Yisu ndac, “Mac gauc gêm bu ôm ñadau oc kôm sake têt lau nañ sêyob in ndê ôm? In oc meñ ma ndic ñac ndu, ma kêñ ôm dau têt lau ñatô sêyob. ¹⁰ Gauc nem yom nañ sêto yêc bocdec bu, ‘*Hoc nañ lau sêkwê andu-nga sêtec, nañ kwahic ti hoc ñamata-nga yêc andu dau.*’ ¹¹ *Pômdau kôm gêt dau, ma yac alic ñayham.*’ Mac asam yom dau su, me?”

¹² Têt dinañ lau bata Israel-nga sênjalê bu Yisu sôm yom gôlin dau hêganôn ñac, dec sênjalê lêt bu sêkôc in dôñ. Magoc sêtôc lau toñ atu nañ sêmbo sêwhin Yisu, ma tu dinañ-nga sêhu in sin ma sêlhô si.

*Lau bu sêtim Yisu pi yom takis-nga
(Mat 22:15-22; Luk 20:20-26)*

¹³ Tiñambu lau bata dinañ sênjalê lêt bu sêtim Yisu bu sôm yom so dañ. Ñac sênkin lau Palêsai ñatô sêwhin lau Israel-nga ñatô nañ sêpuc Herod ma lau Rom-nga si gôlin dôñ, nañ sêtêt Yisu si. ¹⁴ Ñac sêhóc asê in ma sêsôm, “Kêdôhôn-waga, yac anjalê bu am ñgac sôm yom ñandô-nga. Am gauc gêm lau si waê dom, ma toc ñac hon sa ñalêt tigen.

Ma am kêdôhôn Anötö ndê lêt têt lau kêkuc yom nandô solop. Kwahic dec yac bu andac am bu in solop bu yac dakêt takis t êt †Sisa, me mba? Yac oc danemlhi takis, me mba?”

¹⁵ Yisu ngô yom dau, tigen in kêyalê bu nâc gauc gêm bu sêtîm in, dec sôm, “Tu sake-nga mac bu atim aö? Akôc mone silba dan ma atôc têt aö.” ¹⁶ Goc sêkêt mone dan têt in, ma in ndac nâc, “Asa ndê ngatu ti nâc yêc mone dindec?” Ma sêo yom ma sêsôm, “Sisa ndê.” ¹⁷ Dec Yisu sôm, “Bocdina atoc Sisa sa nâ gêt nan gic in nâwâ, ma atoc Anötö sa nâ gêt nan gic in nâwâ.” Nâc sêngô Yisu ndê yom dau, ma sêhêdâ tu in ndê gauc-nga.

Lau Sadiusi bu sêtîm Yisu pi yom datisa akêt lau batê-nga

(Mat 22:23-33; Luk 20:27-38)

¹⁸ Ma lau †Sadiusi natô sêtêt Yisu si, bu sêkêt gêndac dan têt in. Nâc lau Israel si ton dan, nan sêkêt whin dom bu lau batê oc sêtisa tiyham. ¹⁹ Ma nâc sêndac in bocdec bu, “Kêdôhônwaga, Moses to yac ney yomsu dan bocdec bu. Ngac dan bu ndê dôwa nem awhê sa ma bu mbac ndu ma balêkoc mbasi, nan ngac dau oc nem dôwa ndê awhê sawa, ma kwê balêkoc asê tu dôwa-nga. ²⁰ Têt ndoc dan asidôwai 7 sêmbô. Ngac namata-nga gêm awhê sa, magoc mbac ndu, ma balêkoc mba. ²¹ Goc in asi, ngac tilu-nga, gêm awhê sawa dau, magoc mbac ndu ma balêkoc mba. Ngac titô-nga bocdina, ²² ma asidôwa hale bocdina, hon sem awhê sawa dau sa, magoc sêmbac ndu, ma balêkoc mba. Ma tinambu awhê dau mbac ndu. ²³ Kwahic dec yac bu andac am bocdec bu. Lau batê bu sêtisa tôm

lau ñatô sêsôm, dec awê dau oc ti asidôwa asa ndê awê? Bu asidôwai 7 dinañ hoñ sem awê tigen dinañ su têt ndoc sêmbo tali.”*

²⁴ Ma Yisu sôm têt ñac, “Mac akôc gauc so, bu mac anyalê Anötö ndê yom ti in ndê ñac lai dom. ²⁵ Têt têt lau batê sêtisa, nañ lau oc sênem dau dom. Ñac oc sêmbo sêtôm añela undambê-ña. ²⁶ Ma yom dañ tiyham tôc asê bu lau batê oc sêtisa. Mac asam su yêc Moses ndê buku. Têt ndoc Moses gêlic ya golom a dañ, nañ Anötö sôm têt in bu, ‘*Aô Abraham ndê Anötö, Aisak ndê Anötö ma Jakob ndê Anötö.*’ ²⁷ Lau batê bu sêtisa dom, dec tu sake-ña Anötö sam dau bu lau tö dinañ si Anötö? In lau batê si Anötö dom, in lau tali si Anötö. Mac nem gauc in so sambuc.”

Yomsu ñamata-ña

(Mat 22:34-40; Luk 10:25-28)

²⁸ Kêdôhônwaga yomsu-ña dañ kalhac whin lau nañ sêkên daña Yisu ma lau Sadiusi si yom, ma in gêlic bu Yisu ô lau Sadiusi si yom ñapep. Bocdinañ in ndac Yisu, “Anötö ndê yomsu bocke ti yomsu ñamata-ña?” ²⁹ Ma Yisu sôm, “Yomsu ñamata-ña nañ hôc gêlêc yomsu hoñ nañ bocdec, ‘*Mac lau Israel-ña añgô! Pômdau yac neñ Anötö in Pômdau tigen.*’ ³⁰ *Atac whin Pômdau am nem Anötö ti am nem ñalôm sambuc, ti gatôm sambuc, ti gauc sambuc, ma ti licwalô sambuc.*’ ³¹ Ma yomsu tilu-ña bocdec yêc, ‘*Atac whin lau meñpañ am-ña, tôm am atac whin am daôm.*’ Yomsu lu dinañ sêhêc gêlêc yomsu hoñ su.”

* **12:23:** Lau Sadiusi gauc gêm bu ñac si gêndac dau tôc asê bu lau batê oc sêtisa tiyham dom.

³² Goc kédôhôngwaga yomsu-nga dau sôm têñ Yisu, “Kédôhôngwaga, am sôm solop. Yomandô, Anötö tigenj mbo, ma anötö ñandô dañ mbo dom. ³³ Ma yac bu atac whiñ A nötö ti neñ ñalôm sambuc, ti gauc sambuc, ma ti licwalô sambuc, ma yac bu atac whiñ lau meñpañ yac-nga tôm yac atac whiñ yac dañ, nañ hóc gêléc bu yac dakêñ wata ti da pi ya ndi, me bu dakêñ gêñ ñatô ti da.” ³⁴ Yisu gêlic bu ñgac dau ô yom ti gauc ñayham, dec sôm têñ iñ, “Êmkuc gauc ñayham dinañ dec am oc tôm bu mbo Anötö ndê gôliñ ñalôm.”

Yisu sôm yom dinañ, ma tiñambu lau sêtöc bu sêkêñ gëndac têñ iñ tiyham.

*Yisu kêsahê lau si gauc pi Mesaya
(Mat 22:41-46; Luk 20:41-44)*

³⁵ Yisu kédôhông lau mbo lôm dabuñ ñamakê, ma ndac ñac, “Bocke ma lau †Skraib sêsam Mesaya bu Dawid ndê Atu? ³⁶ Dawid dau hoc yom asê tôm Ñalau Dabuñ puc iñ dôñ, ma to yom pi Mesaya bocdec bu, ‘Anötö sôm têñ aneñ Pômdau, “Am ndöc aö amanñ andô-nga e nditôm aö wakêñ nem ñacyo sêsôc am gahim ñapu.” ’ ³⁷ Dawid dau sam Mesaya bu iñ ndê Pômdau, ma bocke dec lau sêsam iñ bu Dawid ndê Atu?” Ma lau honñ sêñgô Yisu ndê yom ti atac ñayham atu.

*Yisu ndê puc pi lau Skraib si mêtê sac
(Mat 23:1-7; Luk 20:45-47)*

³⁸ Ma Yisu kédôhông lau ma sôm, “Ayob daôm ñapep bu ankcuc lau Skraib si gêbôm dom. Ñac sêsôc ñakwê baliñ ma sêñsêlêñ sêmbo malac lôm, bu ñac atac whiñ bu lau sêtöc ñac sa ma sêhê mwalêc ñac. ³⁹ Ñac atac whiñ bu sêndöc mala ñamata-nga yêc lôm

wê-nga, ma sêndöc lau tiwaê si mala têtj ndoc sênej mwasiñ. ⁴⁰ Yêc lau honj aŋgô-nga lau dau sênej mbec baliñ. Magoc têtj ndoc lau sêlic ñac dom, nañ sêñsau lauwhê sawa bu sêñgaho ñac si andu su. Anötö oc êmatôc ñac, ma kêtj ñagêyô sac sambuc têtj ñac.”

Awhê tuc danj kêtj da danje
(Luk 21:1-4)

⁴¹ Tiñambu Yisu ndöc sic ndöc lôm dabunj ñabatêmdö kêtjñ apa nañ lau sêkêtj si da sip-nga, ma tahê lau honj nañ sêkêtj si da sip apa dau. Lau ti lêlôm daêsam sêkêtj awa atu. ⁴² Tigenj awhê tuc ñalôm sawa danj meñ ma kêtj awa saunj lu gitôm wan toea lu sip apa da-nga. ⁴³ Goc Yisu ta ndê ñgac-sêñomi sêmeñ ma sôm, “Yomandô, aö wasôm têtj mac bu yêc Anötö aŋgô-nga awhê tuc ñalôm sawa dindec kêtj da nañ hóc gêlêc lau honj si da su. ⁴⁴ Nahu bu lau ti lêlôm honj sêkêtj si da, magoc ñac si awa daêsam gacgeñ yêc ñac-nga. Magoc awhê dindec inj awhê ñalôm sawa, ma inj kêtj ndê gêtj honj ti da.”

13

Yisu sôm yom pi lôm dabunj Jerusalem-nga
(Mat 24:1-2; Luk 21:5-6)

¹ Têtj ndoc Yisu bu hu lôm dabunj ñagamenj sinj, nañ inj ndê ñgacsêñom danj sôm têtj inj, “Kêdôhônwaga, lic hoc atu-tu ma andu ñayham kêlêc nañ sêkwê sa sêlhac dec.” ² Magoc Yisu ô yom ma sôm têtj inj, “Am lic andu atu-tu ti lôm dabunj dindec! Aö wasôm têtj am, bu tiñambu ñacyo oc

sêsej hoc atu-tu honj dindec su e hoc danj oc ndöc hoc danj ñahô tiyham dom.”

Gêj wapac têm ñambu-ñga-ñga
(*Mat 24:3-14; 10:17-22; Luk 21:7-19*)

³Ñac sêsa sêtêj Lôc Olib si, ma tiñambu Pita, Jems, Jon ma Andru tawasê sêtêj Yisu si ma sêndöc anjô têtj lôm dabuj yêc malac Jerusalem. Ma ñac sêndac inj bocdec bu, ⁴“Sôm têtj yac bu ñawapac nanj am sôm yom pi, nanj oc hóc asê Jerusalem têtj têm bocke, ma gêtj sake oc kêtj puc yac bu têm dau meñ kêtj?” ⁵Goc Yisu sôm têtj ñac, “Ayob daôm ñapep bu lau danj sêñsau mac dom. ⁶Bu lau daêsam oc sêmeñ sênem aö anjôj ma sêsôm, ‘Aö Mesaya daun dec,’ ma oc sêñsau lau daêsam. ⁷Ma têtj ndoc mac anjô ñawaê bu lau sic siñ têtj dau me sêmasañ dau tu sêndic siñ-ñga, nanj asö dom. Bu gêtj honj dinañ gic waê bu meñ sa, m agoc têm ñambu-ñga yêc dôj yêc. ⁸Kinj nom-ñga oc sêkêtj kisa dau, ma lau gameñ danj oc sêndic siñ têtj lau gameñ danj. Tiyhó oc nem yêc gameñ honj, ma tôbôm oc sa. Gêtj honj dinañ oc ndic hu ñawapac têm ñambu-ñga-ñga, gitôm awhê nanj kêsahê balêkoc tunj inj ma gêtj dau gic hu ñandê atu nanj inj oc hóc tu kóc balêkoc-ñga.

⁹⁻¹⁰“Gêtj ñamata-ñga lau oc sêhoc ñawaê ñayham asê têtj lau sambob, ma têtj dinañ têm ñambu-ñga oc meñ hóc asê. Ayob daôm ñapep. Lau oc sêwê mac atêtj lau sêmatóc yom-ñga andi, ma sêhi mac ña sö yêc lôm wê-ñga. Tu aö-ñga dec lau oc sêkêtj mac alhac gôliñwaga ti kinj anjô-ñga, magoc ndoc dinañ ti têm bu mac ahoc yom ñandô asê têtj ñac. ¹¹Têtj têm nanj sêkóc mac dôj ma sêwê mac atêtj lau sêmatóc mac-ñga andi, nanj ahêgo daôm tu yom

asôm-nga dom. Asôm yom nanj Anötö oc kênj têtj mac têtj ndoc dinanj, bu mac daôm oc asôm yom dom, Njalau Dabunj oc sôm.

¹² “Têtj ndoc njawapac-nga dinanj, lau nanj sêkênj whinj dom oc sêhoc si asidôwai sêkênj whinj aö-nga asê bu sêndic njac ndu, ma dambai oc sêkôm têtj atui boc-dinanj. Balêkoc oc sêli dau sa têtj damba ti dindai, ma sêkênj njac sêtêtj lau bu sêndic njac ndu. ¹³ Lau honj oc sêtec mac tu aö nenj njaê-nga. Magoc asa nanj bu lhac nanjga ma hu aö sinj dom e ndê têtj pacndê, nanj oc tap Anötö ndê mwasiñ nem inj si-nga sa.”

*Njawapac gameñ Judia-nga
(Mat 24:15-28; Luk 21:20-24)*

¹⁴ “Gênj sac sambuc nanj oc kôm gameñ tisac, nanj lau oc sêkênj lhac gameñ nanj gic inj njawaê dom. (Asa nanj sam yom dindec, nanj kôc gauc njapep, bu njahu yêc sinj dau.) Mac lau asa nanj ambo gameñ Judia-nga ma alic gênj dau, nanj honj alhö api gameñ lôc-nga andi. ¹⁵ Alhö njagahô ma gauc nem mac nem gênj danj dom. Lau nanj sêñwhañ dau sêndöc andu njasactô, nanj sêsôc andu njalôm bu sêkôc si gênj danj tôhônj dom. ¹⁶ Ma njac nanj sêmbo ôm, nanj bocdinanj. Sêkac dau kwi bu sêkôc si gênj njatô dom. ¹⁷ Oyaê. Lauwhê tidaê, ma njac nanj sêkênj su têtj balêkoc, nanj oc sêtap njawapac atu sa têtj têtj dinanj. ¹⁸ Ateñ mbec bu gênj dinanj tap mac sa têtj ndoc uhô-nga dom. ¹⁹ Njahu bu njawapac njandô nanj bu sa têtj têtj dinanj, nanj oc hóc gêlêc njawapac honj nanj sêhóc asê nom têtj têtj nanj Anötö kênj undambê ti nom e kwahic dec, ma tijambu oc sa bocdinanj tijham dom. ²⁰ Magoc Pômdau oc kênj ndoc dinanj

tiapê tu bu nem lau nan in kâyaliñ sa su, nan sa-nga. Bu mba, goc lau hon oc sêniñga.

²¹ “Têñ ndoc dinan ñgac dan bu sôm têñ mac bu, ‘Alic, Mesaya dau dindéc,’ me ‘Alic, Mesaya dau dindê,’ nan akêñ whiñ ñac dom. ²² Lau nan sêñsau bu ñac Mesaya, ma propet tasan oc sêmen ma sêkôm gêñ dalô ti gêñ atu-tu bu sêñsau lau. Ma ñac oc sêñsahê bu sêtim lau nan Anötö kâyaliñ ñac sa, nan sêwhiñ. ²³ Aö gakêñ puc mac gwanan, ma bocdinan ayob daôm ñapep.”

*Namalac ndê Atu ndê bêc mbu men-nga
(Mat 24:29-36; Luk 21:25-33)*

²⁴ Ma Yisu sôm, “Ndoc ñawapac-nga dinan oc pacndê, ma tiñambu lau oc sêlic gêñ dalô atu-tu. Ac oc nem ganduc ma ayô oc ñawê tiyham dom. ²⁵ Ma tata oc sêpen akêñ umbon, ma gêñ ti ñac lai nan sêlhac umbon oc wiwic sa. ²⁶ Ma tiñambu lau oc sêlic Ñamalac ndê Atu men ndöc dao ñahô ti ndê ñac lai ma ñawasi atu. ²⁷ Ma in oc êñkiñ ndê anjela sêsa sêtên nom ñabatiñ ti undambê ñabatiñ hon sêndi, bu sêndic lau nan in kâyaliñ ñac sa su, nan sa.

²⁸ “Gauc nem a lan. Têñ ndoc mac alic ñalaun wakuc bu léc, nan mac anjalê bu ndoc ac-nga men kêpiñ. ²⁹ Ma bocdinan têñ ndoc mac alic gêñ nan aö gasôm yom pi, nan hóc asê, dec anjalê bu Ñamalac ndê Atu ndê bêc mbu men-nga men kêpiñ su, gitôm in men kalhac gatam. ³⁰ Yomandô! Lau têm dinan-nga oc sêniñga dom e gêñ hon dinan hóc asê. ³¹ Undambê ti nom oc niñga, magoc anen yom oc niñga dom. Gêñ hon oc ñandô sa tôm aö gasôm.”

*Lau dan sênyalê Yisu ndê bêc mbu meŋ-ŋga dom
(Mat 25:13-15)*

³² Ma Yisu sôm, “Lau dan sênyalê bêc me acgatu nanŋ Ŋamalac ndê Atu oc mbu meŋ, nanŋ dom. Anjela undambê-ŋga sênyalê dom, Anötö ndê Atu kêyalê dom, Damanŋ tawasê kêyalê. ³³ Bocdinaŋ anem ali ma ayob daôm ŋapep! Mac am gauc têm nanŋ bêc ŋambu-ŋga dau oc meŋ sa. ³⁴ Gitôm andu ŋadau danŋ nanŋ bu sa ndi lic gameŋ ŋatô. Inŋ hu ndê andu siŋ ma kêŋ inŋ ndê lau akinŋ sêwêkainŋ si gwelenŋ têtêtêŋ. Ma inŋ oc sôm têtêŋ ŋgac yob gatam-ŋga, bu inŋ nem ali ma tatiŋ gameŋ ŋapep e inŋ mbu meŋ. ³⁵ Bocdinaŋ anem ali, bu mac anjyalê ndoc nanŋ andu ŋadau oc mbu meŋ, nanŋ dom. Inŋ oc hôc asê têtêŋ telha me timaniŋhu, me dalec taŋ, me bêbêc ganduc, nanŋ mac anjyalê dom. ³⁶ Ayob daôm ŋapep, mboe inŋ oc mbu meŋ ŋagahô, ma tap mac sa ayêc bêc ayêc. ³⁷ Yom nanŋ aô gasôm têtêŋ mac, nanŋ dec wasôm têtêŋ lau honŋ bocdinaŋ. Anem ali!”

14

*Sêkic yom bu sêndic Yisu ndu
(Mat 26:1-5; Luk 22:1-2)*

¹ Lau Israel si †Mwasinŋ Pasowa ti †Mwasinŋ Bolom Yist Mba-ŋga ŋandoc meŋ kêpiŋ, ma bêc lu yêc dôŋ yêc. Ma dabuŋ-siga atu-tu ti lau nanŋ sêndôhônŋ yomsu-ŋga sêŋsalê lêtêŋ danŋ bu sêkôc Yisu dôŋ gelec ma sêndic inŋ ndu. ² Tigenŋ sêhêgo dau ma sêsôm, “Dakôm têtêŋ Mwasinŋ Pasowa-ŋga ŋandoc dom, mboe lau daêsam nanŋ sêmbô Jerusalem tu om atu Pasowa-ŋga, nanŋ oc sêlic ma sêli dau sa.”

Awhê danj gêm oso Yisu
(Mat 26:6-13; Luk 7:36-50; Jon 12:1-8)

³ Têñ tēm dinan̄ Yisu mbo malac Betani, ma gêñ gêñ ndöc whin̄ ngac dan̄ ñaê Saimon. Muñ-nga in̄ ngac ti gêmbac leprasi. Yisu ndöc tebo ma awhê dan̄ meñ, nan̄ kôc bu ñamalu ñayham ñaôli atu sip kac dan̄. In̄ kac gêñ dau sa, ma kêc gêñ malu dau pi Yisu ndê ñagôlôn. ⁴ Lau ñatô sêlic dec tac ñandê têtñ awhê dau, ma sêsôm, “Tu sake-nga in̄ kêyain̄ gêñ ñamalu dinan̄? ⁵ Gitôm bu dakêñ têtñ lau sênemlhi ma datap awa atu sa, ma dakêñ têtñ lau ñalôm sawa. Ñaôli dau oc hôc gêlêc ñaôli tu gwelen̄ yala sambuc-nga su.” Ma sêhec yom in̄ ñalêñ sac.

⁶ Magoc Yisu sôm, “Ahu in̄ sin̄ ma akêñ ñawapac têtñ in̄ dom. In̄ kôm gêñ ñayham solop têtñ aö. ⁷ Lau ñalôm sawa oc sêmbo sêwhin̄ mac ñapan̄, ma bocdinan̄ dec tēm bocke mac bu atac whin̄, nan̄ oc tôm bu mac anem ñac sa. Tigen̄ aö oc wambo wawhin̄ mac ñapan̄ dom. ⁸ Awhê dindêc gitôm bu êmwasiñ aö ñalêñ dinan̄, dec kôm. In̄ kêc gêñ ñamalu pi aö, dec tôm in̄ kêmasañ aö neñ ñamlic gwanañ tu sêñsuhun̄ aö-nga. ⁹ Yomandô aö wasôm têtñ mac, bu tiñambu lau oc sêhoc ñawaê ñayham asê yêc gameñ hon̄, ma têtñ dinan̄ ñac oc sêsôm yom pi awhê dindêc ma lau oc gauc nem in̄.”

Judas sôm tidôn̄ bu hoc Yisu asê
(Mat 26:14-16; Luk 22:3-6)

¹⁰ Têtñ ndoc dinan̄ Judas Iskeriot, ñgacsêñomi 12 si dan̄, têtñ dabun̄siga atu-tu gi ma sôm bu in̄ oc hoc Yisu asê têtñ ñac. ¹¹ Ñac sêngô in̄ ndê yom ti atac ñayham, ma sêsôm tidôn̄ bu sênemlhi in̄. Bocdinan̄ in̄ kêsalê lêtñ tu bu hoc Yisu asê-nga.

*Yisu ndê ngacsênomi sêmasaŋ Mwasinŋ Pasowa-nga
(Mat 26:17-19; Luk 22:7-13)*

¹² Têŋ Mwasinŋ Bolom Yist Mba-nga ŋabêc ŋamata-nga, bêc naŋ lau Israel-nga sic domba Pasowa-nga ndu, naŋ ngacsênomi sêsôm têtŋ Yisu bu, “Am tac whinŋ bu yac amasaŋ Mwasinŋ Pasowa bu am neŋ whinŋ yac-nga yêc nde?” ¹³ Dec Yisu kêkinŋ ndê ngacsênom lu ma sôm têtŋ inlu, “Asôc malac Jerusalem andi, ma amlu oc atap ngac daŋ sa naŋ kêbalaŋ bu lôŋ daŋ. Awhinŋ inŋ atêtŋ inŋ ndê ŋadau ndê andu andi. ¹⁴ Ma asôm têtŋ andu ŋadau, ‘Alu mba kêdôhônŋwaga ndac am tu andu ŋalôm ŋacleŋ-nga, bu inŋ ti ndê ngacsênomi bu sêneŋ Mwasinŋ Pasowa-nga yêc am nem andu.’ ¹⁵ Ma inŋ oc tôc ŋalôm atu daŋ yêc andu dau ŋahô-nga têtŋ amlu. Tebo ti gêtŋ honŋ tu yac danenŋ Mwasinŋ Pasowa-nga yêc ŋalôm dau, goc amasaŋ gêtŋ yêc dinaŋ.” ¹⁶ Goc sênom lu dinaŋ sêsôc malac si, ma sêtap gêtŋ honŋ sa tôm Yisu sôm su, ma sêmasaŋ Pasowa.

*Yisu sôm asê bu ngac daŋ oc hoc inŋ asê
(Mat 26:20-25; Luk 22:21-23)*

¹⁷ Têtŋ ac gi su Yisu ti ngacsênomi 12 sêtêtŋ andu dau si. ¹⁸ Ŋac sêndöc ti senŋ gêtŋ sêmbo, ma Yisu sôm, “Yomandô aô wasôm têtŋ mac, bu mac nem daŋ oc hoc aô asê. Ngac dau kwahic dec ndöc ma gêtŋ gêtŋ whinŋ aô.” ¹⁹ Yom dau kôm ŋac sêsö, ma ŋalôm ŋawapac atu, ma ŋac tigenŋ-tigenŋ sêsôm têtŋ inŋ, “Mboe aô, a? Mba!” ²⁰ Goc inŋ sôm têtŋ ŋac, “Ngac dau inŋ mac lau 12 nem daŋ, ma kwahic dec alu aŋ gêtŋ sip pele tigenŋ. ²¹ Gêtŋ dau oc ŋandô sa pi Ŋamalac ndê Atu, tôm yom naŋ sêto yêc. Tigenŋ ngac naŋ hoc aô

asê, nanj oc tap njawapac atu sa, ma tu dinanj-nga inj dinda bu kôc inj dom, dec oc njayham.”

Yisu gic hu Mwasinj Dabun
(Mat 26:26-29; Luk 22:15-20)

²² Têj têtêm njac senj gêtj sêmbô, nanj Yisu kôc bolom, gêm mbec, pô kôc-kôc, ma gic sam têtj njac. Ma inj sôm, “Akôc sa loc, aö neñ njandô dau dindéc.” ²³ Ma inj kôc laclhu wain-nga danj ma gêm danje, goc kêtj têtj njac ma njac honj sênôm. ²⁴ Inj sôm têtj njac, “Aö neñ dac wamatiñ pwac-nga dau dec, nanj wakêc sinj tu lau daêsam-nga. ²⁵ Yomandô aö wasôm têtj mac bu aö oc wanôm wain tiyham dom e Damanj ndê gôliñ meñ sa tiawê, ma têtj ndoc dinanj aö wanôm tiyham.”

²⁶ Tinjambu njac sem wê danj, ma sêlhö sêsa sêtêtj Lôc Olib si.

Yisu sôm bu Pita oc sêc inj ahuc
(Mat 26:31-35; Luk 22:31-34)

²⁷ Ma Yisu sôm têtj njac, “Mac honj oc ahu aö sinj, tôm yom nanj sêto yêc bocdec bu, ‘Aö oc wasenj njac yob domba-nga, ma domba oc sêlhö babalip.’” ²⁸ Magoc tinjambu aö watisa tiyham, ma wamunj mac watêtj gameñ Galili-nga wandi.” ²⁹ Dec Pita sôm têtj inj, “Njac honj bu sêhu am sinj, tigenj aö wahu am sinj dom.” ³⁰ Ma Yisu ô yom ma sôm, “Aö wasôm yomandô bu ôbwêc dau dindéc am oc sêc aö ahuc tidim tö su, goc dalec oc tanj tidim lu-nga.” ³¹ Tigenj Pita sôm yom ti njanga, “Mba! Gitôm sêndic aö ndu wawhiñ am, aö oc wasêc am ahuc dom.” Ma njac honj sêsôm yom kainj tigenj.

*Yisu tenj mbec mbo ôm Getsemani
(Mat 26:36-46; Luk 22:39-46)*

³² Nac sêsa si e sêhóc asê ôm †olib-nga dan, ôm nanj sêsam bu Getsemani, ma Yisu sôm têj ndê ngacsêjomi, “Andöc dec ma aö watenj mbec.” ³³ Goc inj kôc Pita, Jems ma Jon sêwhinj inj si, ma sêhu ngacsêjomi njatô sinj. Têj ndoc dinanj Yisu ndê njalôm njawapac atu ma inj pô sim dau njandô. ³⁴ Inj sôm têj njac, “Aö nenj njalôm kêsahê njawapac atu, kêpinj bu oc wambac ndu. Mac andöc dec ma anem ali.” ³⁵ Goc inj hu njac sinj ma sa njasawa saunj gi. Inj hu dau sip nom gi ma tenj mbec, bu nditôm goc Anötö nem inj sa bu ênjêc têm hóc njandê-nga nanj oc hóc asê inj. ³⁶ Inj sôm, “Damanj, O Damanj, am gitôm bu kôm gêj honj. Kôc laclhu njawapac-ñ ga dindec su yêc aö. Magoc êmkuc aö nenj atac whinj dom, kôm tôm am daôm nem atac whinj bu kôm.”

³⁷ Inj tenj mbec su, dec mbu gi ma tap sa bu ngacsêjomi sêyêc bêc sêyêc. Goc inj unj njac sa ma sôm têj Pita, “Saimon, bocke dec am yêc bêc? Am gitôm dom bu nem ali tôm acgatu njasawa tigenj, a?” ³⁸ A nem ali ma atenj mbec bu létôm tap mac sa dom. Mac nem gatôm licbalê, tigenj njamlic kwapac.”

³⁹ Goc Yisu sa gi, ma tenj mbec tigenj dinanj tiyham. ⁴⁰ Pacndê, goc inj mbu gi ma gêlic njac sêyêc bêc, bu njac tandô hê njac sa njandô. Ma njac sêpônnda yom tu sêsôm têj inj-nga. ⁴¹ Goc inj gi ma tenj mbec tidim tö-nga. Ma têj ndoc inj mbu têj njac tiyham, nanj inj sôm, “Tu sake-nga mac ayêc bêc ti anjwhanj daôm njapanj? Gitôm! Ndoc menj hóc asê su bu sêhoc Njamalac ndê Atu asê ma sêkêj inj sip lau sac amba.

42 Atisa ma dandi! Alic ngac nan hoc aö asê dec meḅ su.”

Sêkôc Yisu dôḅ

(Mat 26:47-56; Luk 22:47-53; Jon 18:3-11)

43 Yisu sôm yom dinaḅ mbo, ma Judas, ngacsêḅomi 12 si danḅ hóc asê whiḅ lau daêsam nan sêhóc bienḅ ti siḅ. †Dabuḅsiga atu-tu ti kêdôhôngwaga yomsu-ḅga ma lau bata sêḅkiḅ lau toḅ dinaḅ sêwhiḅ Judas sêmeḅ. 44 Judas kêḅ puc lau d au gwananḅ su, ma sôm, “Ngac nan mac anḅsalê, nan aö oc wanḅgutô iḅ bu watôc iḅ asê têḅ mac. Akôc iḅ dôḅ ma akêḅ lau sêyob iḅ, goc awê iḅ sa andi.”

45 Bocdinaḅ têḅ ndoc Judas hóc asê, nan iḅ têḅ Yisu solop gi ma sôm, “Kêdôhôngwaga,” ma ngutô iḅ.

46 Dec lau nan sêwhiḅ Judas, nan sêkôc Yisu dôḅ.

47 Yisu ndê lau sêlhac sêmpinḅ iḅ, ma ḅac si danḅ puc ndê bienḅ sa ma pa dabuḅsiga atu ndê ngac akinḅ ndê danḅgalauḅ danḅ su.

48 Goc Yisu sôm, “Bocke dec mac akôc bienḅ ti gêḅ siḅ-ḅga ma asa amenḅ bu akôc aö dôḅ gitôm ngac kaḅ danḅ? 49 Tôm bêc hoḅ aö gambo gawhiḅ mac ma kadôhông lau yêc lôm dabuḅ ḅabatêmdö, magoc mac akôc aö dôḅ dom. Tigeḅ gêḅ nan mac akôm kwahic dec, nan kôm Anötö ndê yom nan sêto yêc, nan ḅandô sa.”

50 Têḅ dinaḅ Yisu ndê lau hoḅ sêhu iḅ siḅ ma sêlhö si. 51 Ngac batac danḅ kêkuc Yisu ma mbo whiḅ iḅ ti ndê lau têḅ ôbwêc dinaḅ, ma iḅ puc po ḅambwa. Lau siḅ bu sêlô iḅ dôḅ, 52 tigeḅ iḅ hu ndê po siḅ yêc ḅac si amba, ma kôlhö ḅamlic ḅambwa gi.

*Lau bata Israel-nga sêmatôc Yisu
(Mat 26:57-68; Luk 22:54-55, 63-71; Jon 18:12,
13, 19-24)*

⁵³ Dabuņsiga atu-tu Israel-nga, ti lau bata ma kêdôhônwaga yomsu-nga hoņ sêkac sa sêmbo dabuņsiga ņamata-nga ndê andu. Ma lau naņ sêkôc Yisu dôn sêwê in sêtêņ andu dau si. ⁵⁴ Pita kêsêlêņ kêkuc Yisu mbo ahê, e gi sôc dabuņsiga ņamata-nga ndê andu ņatuņlôm gi. Ma in ndôc sic whiņ lau siņ sêyob lôm dabuņ-nga ņatô ma kêsulu ya.

⁵⁵ Dabuņsiga atu-tu ma lau bata hoņ naņ sêndôc Sanedrin si toņ, naņ sêņsalê yom bu sêņgôliņ pi Yisu ma sêkêņ in sip lau Rom-nga amba bu sêndic in ndu. Magoc sêtap yom daņ sa dom. ⁵⁶ Bu lau daêsam sêtisa bu sêhoc yom tasaņ asê pi Yisu, magoc ņac hoņ si yom so dau. ⁵⁷ Tiņambu lau ņatô sêtisa, ma sêkêņ yom tasaņ pi in bocdec bu, ⁵⁸ “Yac aņgô ņgac dau sôm, ‘Lôm dabuņ naņ ņamalac sêkwê sa, naņ aô oc waseņ su. Ma têņ bêc titô-nga aô oc wakwê andu wakuc daņ sa, naņ gitôm andu naņ ņamalac sêkwê, naņ dom.’ ” ⁵⁹ Magoc ņac tigeņ-tigeņ si yom so dau tiyham.

⁶⁰ Goc dabuņsiga ņamata-nga tisa kalhac ņalhu, ma ndac Yisu, “Am ņgô yom dê sêņgôliņ pi am, me? Am bu ô yom, me mba?” ⁶¹ Tigeņ Yisu gêm dau dôn ma ô yom dom. Goc dabuņsiga dau ndac in tiyham, “Am Mesaya dau, Anötö Atuņgac, me mba?” ⁶² Ma Yisu sôm, “Aêc, aô dau dindec. Ma tiņambu mac oc alic ņamalac ndê Atu ndôc Anötö ņaclai ņadau ndê amba andô-nga, ma sip meņ ndôc dao ņahô.”

⁶³ Têņ ndoc dabuņsiga ņamata-nga ņgô yom di-naņ, naņ tac ņandê atu dec kêc dau ndê ņakwê

kic ma sôm, “Yac dapônnda yom dan tu tanğôliņ pi in-ņga dom. ⁶⁴ Yom nan in sôm pi dau, nan sac sambuc! Mac anğô su, ma mac gauc gêm bocke?” Ma ñac hoņ sêsôm pitigen bu in mbac ndu. ⁶⁵ Lau ñatô sêhu gasôp pi in. Ñac sêkic in tandô ahuc ña po, goc sêtap in ma sêsôm, “Am bu propet, nan sôm asê bu asa gic am.” Ma lau siņ-ņga sêkôc in sêsa si, ma sêhi in ña sô.

Pita sêc Yisu ahuc

(Mat 26:69-75; Luk 22:54-62; Jon 18:15-18, 25-27)

⁶⁶ Têņ têm dinaņ Pita mbo andu dau ñamakê, ma dabuņsiga ñamata-ņga ndê awhê akiņ dan kêsêlêņ meņ. ⁶⁷ In gêlic Pita kêsulu ya mbo, goc tahê in ma sôm, “Am ñgac nan kêkuc Yisu Nasaret-ņga whiņ.” ⁶⁸ Magoc Pita pa dau ma sôm, “Mba, aô kayalê am nem yom ñahu dom.” Dec in tisa gi kalhac kêpiņ tuņlôm ñagatam.

⁶⁹ Malô goc awhê akiņ dau gêlic in tiyham, ma sôm yom kaiņ tigen têņ lau nan sêlhac sêmpin, “Alic ñgac kêlê. In Yisu ndê lau si dan.” ⁷⁰ Magoc Pita pa dau tiyham. Ñasawa sauņ ma lau nan sêlhac dindê, nan sêsôm, “Am ñgac Galili-ņga. Yomandô, am ñac si dan.” ⁷¹ Magoc Pita sôm ti ñaņga, “Mba! Aô bu wasôm yom tasan, nan goc Anötô ndic aô. Aô kayalê ñgac nan mac asôm yom pi in, nan dom andô!” ⁷² Ma ñagahô dalec taņ tilu-ņga, dec Pita gauc gêm Yisu ndê yom bu in oc sêc in ahuc tidim tö su, goc dalec oc taņ tidim lu-ņga. Ma in taņ dau ndu-ndu.

15

Pailot kêsû Yisu

(Mat 27:11-26; Luk 23:2-3, 18-25; Jon 18:29–19:16)

¹ Têñ bêbêc ganduc, dabuñsiga atu-tu ti lau bata ma lau nañ sêndôhôn yomsu ti lau †Sanedrin-nga hon si ñalôm tigenj tu gêñ bocke bu sêkôm têñ Yisu-nga. Goc sêsô inj amba dôñ ma sêwê inj sêtêñ Pailot si. ² Ma Pailot ndac inj, “Am lau Israel-nga si kinj, a?” Goc Yisu ô yom ma sôm, “Tôm nañ am daôm sôm.” ³ Têñ dinañ dabuñsiga atu-tu sêngôlinj yom daêsam pi inj. ⁴ Dec Pailot ndac inj tiyham, “Am oc ô ñac si yom, me mba? Ñac sêngôlinj yom daêsam pi am.” ⁵ Tigenj Yisu ô yom dom, dec Pailot hêdaê.

⁶⁻⁷ Têñ têm dinañ ñgac dañ ndöc gapocwalô, nañ ndê ñaê Barabas. Muñ-nga lau ñatô sêli dau sa têñ lau Rom-nga nañ sem gôlinj lau Israel-nga, ma sic lau ñatô ndu. Magoc lau Rom-nga sêkôc ñac dôñ ma sêkêñ ñac sêndöc gapocwalô. Ma Barabas inj ñac si dañ.

Tôm yala honj têñ ndoc lau Israel-nga si om atu Mwasinj Pasowa-nga hôc asê, nañ Pailot kêkuc lêñ dañ bocdec bu. Lau Israel-nga oc sêndac ñgac gapocwalô-nga dañ, dec inj oc êngapwêc inj su têñ ñac. ⁸ Lau daêsam nañ sêkac dau sa têñ ndoc Pailot kêsahê Yisu, nañ sêndac inj bu êngapwêc ñgac gapocwalô-nga dañ su êñkuc ñagôlinj dinañ. ⁹⁻¹⁰ Pailot kêyalê bu dabuñsiga atu-tu sem lêmuñ Yisu ñambwa, ma tu dinañ-nga dec sêwê Yisu sêtêñ inj sêmeñ. Bocdinañ inj gauc gêm bu êngapwêc Yisu su, dec ndac ñac, “Mac atac whinj bu aô wahu Kinj Israel-nga sinj têñ mac, me mba?” ¹¹ Tigenj dabuñsiga

atu-tu sêngalôm lau tonj atu dinanj e sêndac Pailot bu hu Barabas sinj têtj ñac. ¹² Goc Pailot ndac ñac, “Bocdinañ aõ oc wakôm sake têtj ñgac dindec, nañ mac asam bu lau Israel-ñga si Kinj?” ¹³ Ma sêmbwêc, “Ndic inj pi a gicso dau!” ¹⁴ Magoc Pailot ndac ñac, “Tu sake-ñga? Inj kôm giso bocke?” Magoc sêmbwêc ti ñanja, “Ndic inj pi a!”

¹⁵ P ailot bu kôm lau atac ñayham sa, dec gôlôc bu êngapwêc Barabas su têtj ñac. Ma inj kêkinj Yisu têtj lau sinj-ñga bu sêhi inj ña sô, ma sêndic inj ndu pi a gicso dau.

*Lau sinj-ñga sêsu Yisu susu
(Mat 27:27-31; Jon 19:2-3)*

¹⁶ Lau sinj-ñga sêwê Yisu sêsa Pailot ndê andu ñamalacôm si, ma sêta yom bu lau sinj-ñga honj sêkac sa. ¹⁷ Goc sêkêñ Yisu sôc ñakwê kokoc baliñ tôm kinj sêsôc, ma sêwhê wac kêm ma sêkêñ inj unj gitôm sunsunj. ¹⁸ Goc ñac sic hu sêmbwêc inj, “Ei! Datoc lau Israel-ñga si kinj dindec sa manj!” ¹⁹ Ma ñac sêkôc a danj ma sic inj pi ñagôlônj tidim daêsam, ma sêhê gasôp pi inj. Sêpônj haduc têtj inj, ma sêñsau bu sêtoc inj sa. ²⁰ Sêsu inj susu pacndê, goc sêkôc ñakwê baliñ dinanj su, ma sêkêñ inj sôc dau ndê ñakwê sa tiyham. Ma sêwê inj sêsa malac Jerusalem ñamakê si, bu sêndic inj ndu pi a gicso dau.

*Sic Yisu pi a gicso dau
(Mat 27:32-44; Luk 23:26-43; Jon 19:17-27)*

²¹ Lau sinj-ñga sêwê Yisu sêmbo senj, ma ñgac danj kêsêlêñ mbo senj akêñ gamenj ñamakê-ñga menj. Ma sêkac inj bu hôc Yisu ndê a gicso dau. Ngac dau ndê ñaê Saimon. Inj Aleksanda lu Rupas damba, ma inj

ndê malachu Sairin. ²² Sêwê Yisu sêsa si e sêhóc asê gameŋ naŋ sêsam bu Golgota. (Ŋaê dau danem kwi bu ‘Gameŋ Ŋakêcyha-ŋga.’) ²³ Lau siŋ-ŋga bu sêkêŋ wain ti bu ŋamakic têŋ Yisu nôm, magoc iŋ tec. ²⁴ Bocdinaŋ sêhu siŋ, ma sic iŋ pi a gicso dau. Ma tiŋambu sêwhê iŋ ndê ŋakwê kôc ma sêpuc gapoc bu sêlic asa oc kôc ŋakwê bocke.

²⁵ Ŋac sic iŋ pi a gicso têŋ bêbêc, acgatu gitôm 9 kilok. ²⁶ Ma yom naŋ lau bata Israel-ŋga sêŋgôliŋ pi iŋ, naŋ sêto pi bapia daŋ, naŋ sôm, “Lau Israel-ŋga si Kiŋ.” ²⁷⁻²⁸ Ŋac sic ŋac sac lu pi a gicso dau sêwhiŋ, daŋ kêgalêŋ Yisu amba andô-ŋga, ma daŋ kêgalêŋ gasê-ŋga. ²⁹ Lau naŋ sêŋsêlêŋ si sêmeŋ, naŋ sêndahiŋ ŋasu ma sêtaŋ bôlê Yisu. Sêsôm, “Ei. Am ŋac naŋ sôm bu seŋ lôm dabuŋ su ma kwê sa tiyham tôm bêc tö. ³⁰ Dec sip akêŋ a gicso dau mweŋ, ma nem daôm sa!” ³¹ Ma dabuŋsiga atu-tu ti kêdôhônŋwaga yomsu-ŋga bocdinaŋ sêsu iŋ susu ma sêsôm têŋ dandi, “Iŋ gêm lau daêsam sa, tigenŋ gitôm dom bu nem dau sa. ³² Yac bu alic Mesaya, lau Israel si kiŋ dindêc-ŋga, sip akêŋ a gicso dau meŋ, dec yac oc akêŋ whiŋ iŋ.” Ma ŋac lu naŋ sic pi a gicso sêwhiŋ Yisu, naŋ sêsu iŋ susu bocdinaŋ.

Yisu mbac ndu

(Mat 27:45-56; Luk 23:44-49; Jon 19:28-30)

³³ Têŋ ac kalhac lhu, ŋasec atu gêm gameŋ sambuc ahuc e acgatu gitôm 3 kilok telha-ŋga. ³⁴ Ma têŋ 3 kilok Yisu mbwêc awha atu, “Eloi, Eloi, lama sabaktani?” (Yom dau danem kwi bu, ‘Aô neŋ Anötö, aô neŋ Anötö, tu sake-ŋga am hu aô siŋ?’) ³⁵ Lau naŋ sêlhac sêmpiŋ, naŋ sêŋgô iŋ ŋapep dom ma sêsôm, “Anŋô, iŋ ta propet Elaija.” ³⁶ Ma ŋac

danj kêtî gi kêñ sôwam danj sip wain ñamakic, ma sô dôñ pi a baliñ danj. Goc in puc pi Yisu whasun bu in nõm ma sôm, “Dahu in sinj ma dalic, Elaija oc sip meñ ma kôc in su, me mba.”

³⁷ Têñ têm dinanj Yisu mbwêc awha atu ma mbac ndu. ³⁸ Ma têñ dinanj po baliñ nanj kêgalênj lôm dabunj ñalôm, nanj dau kic gi lu, kalhac ñahô ma gi têtñ ñapu-nga. ³⁹ Ma ñgac bata sinj-nga nanj kalhac Yisu anjô-nga, nanj gêlic in ndê mbac ndu ñalênj, goc sôm, “Yomandô, ñgac dindec in Anötö ndê Atu.”

⁴⁰ Lauwhê ñatô sêlhac ahê ma sêlic gêtñ honj dinanj. Maria Magadala lu Maria nanj Jems saunj lu Joses dinda, ma Salome sêmbo sêwhinj ñac. ⁴¹ Munj-nga, têtñ têm Yisu mbo gameñ Galili-nga, nanj lauwhê dinanj sêñkuc in, ma sem akinj in. Ma lauwhê daêsam nanj sêpi Jerusalem sêwhinj Yisu, nanj sêlhac sêwhinj ñac.

Josep kêñ Yisu ndê ñamlanj yêc hoc ñasunj
(*Mat 27:57-61; Luk 23:50-56; Jon 19:38-42*)

⁴² Bêc nanj sic Yisu ndu, nanj lau Israel-nga si bêc sêmasanj dau tu Sabat-nga.* Bocdinanj têtñ telha, ⁴³ ñgac bata Israel-nga danj ñaê Josep gauc gêm bu êñsuhunj Yisu ñamlanj. Josep in ñgac akêtñ malac Arimatiya-nga, ma in lau Sanedrin-nga si ñgac tiwaê danj nanj kêñ bata Anötö ndê gôlinj bu meñ sa tiawê. In ndê ñalôm pêtñ dôñ, dec têtñ Pailot gi ma ndac Yisu ndê ñamlanj. ⁴⁴ Yom dau kôm Pailot sô, ñahu bu in kêyalê dom bu Yisu mbac ndu su. Bocdinanj in ta lau sinj si ñgac bata ma ndac in bu

* **15:42:** Lau Israel sêsôm bu têtñ ndoc ac gi sip têtñ bêc nanj munj bêc Sabat-nga, nanj têm dau gic hu bêc Sabat-nga. Bocdinanj ñac bu sêñsuhunj lau batê munj ac ndi sip.

Yisu mbac ndu su, me mba. ⁴⁵ In tap sa bu Yisu mbac ndu su, dec gôlôc têt Joseph bu kôc Yisu ndê namlan sa ndi ênsuhun. ⁴⁶ Joseph kôc po nayham dan nan in gêmli mun su, goc sa gi ma kôc Yisu su yêc a gicso dau, ma kêpan in ahuc na po dau. Ma in kôc in sa gi ma kê in yêc sêhôn nan lau sêlê gwanan su yêc hoc nalôm. Goc in kêpi hoc dan gi ndôc sê awha dau ahuc. ⁴⁷ Maria Magadala lu Joses dinda Maria sêlic Joseph kê in Yisu ndê namlan yêc hocsun dinan.

16

Yisu tisa

(Mat 28:1-10; Luk 24:1-12)

¹ Bêc Sabat-nga me in gi su, goc Maria Magadala lu Jems dinda Maria, ma Salome semli gêt malu bu sênem oso Yisu ndê namlan. ² Têt wake nabêc namata-nga dinan sêti têt bêbêc ganduc bu sêtêt sêhôn sêndi. Ac pi me in su ma sênsêlê sêmbo se in, ³ ma sêndac dandi, “Asa oc nem yac sa ma êmpi hoc nan yêc sê awha, nan su?” ⁴ Tige in sêhôn tandô sa, ma sêlic hoc atu dau yêc sê awha dom. ⁵ Bocdinan dec sêsôc sêhôn nalôm si. Sêlic ngac batac dan nan sôc nakwê sêsêp, ma ndôc andô-nga, dec sêsô ndô. ⁶ Magoc ngac dau sôm, “Asô dom. Mac ansalê Yisu Nasaret-nga, nan sic in ndu pi a gicso dau. In yêc dec dom, in tisa su. Alic mala nan sêkê in yêc, nan sawa. ⁷ Magoc andi ma asôm têt in ndê sêngomi ma têt Pita bu in oc mun mac têt Galili ndi. Mac oc alic in yêc dindê, tôm yom nan in sôm têt mac mun su nan.” ⁸ Yom dinan kôm awê lu dau sêntitec ti sêhêdaê ndô. Sêsa akê in sêhôn, ma sêlhô sênti si.

Magoc sêtoç dau dec sêsôm yom têtj ñamalac danj yêc senj dom.

⁹ Têtj têtj Yisu tisa têtj Sonda bêbêc, inj hoc dau asê ti-ñamata-ñga têtj Maria Magadala, awhê nanj muñ-ñga inj soc ñalau sac 7 su yêc inj ñalôm. ¹⁰ Ma Maria gi ma sôm asê têtj lau nanj sêñkuc Yisu, nanj sêkôm danjgibo ti sêtañ sêmbo. ¹¹ Maria sôm têtj ñac bu inj gêlic Yisu ma inj mbo tali tiyham. Magoc ñac sêkêtj whinj dom.

¹² Tinjambu Yisu ndê ñgac-sêñom lu sêhu Jerusalem sinj ma sêñsêlêñ sêmbo senj, ma Yisu hoc dau asê têtj injlu gitôm ñgac anjô batac danj. ¹³ Dec injlu sêmbu si ma sic minj têtj sêñomi ñatô, magoc ñac sêkêtj whinj injlu dom bocdinañ.

Yisu kêtj gwelenj têtj lau nanj sêñkuc inj

¹⁴ Tinjambu ñgacsêñomi 11 senj gêtj sêmbo sêwhinj dau, ma Yisu hoc dau asê têtj ñac. Ma inj sôm ñac tu ñac si ñalôm ñadandi-ñga, bu sêkêtj whinj lau nanj sêlic inj têtj ndoc inj tisa su, nanj dom. ¹⁵ Goc inj sôm têtj ñac, “Atôm nom ñagameñ sambob andi, ma ahoc ñawaê ñayham asê têtj lau honj. ¹⁶ Lau nanj sêkêtj whinj ma sêlinj sanju, nanj oc sêtap Anötö ndê mwasinj nem ñac si-ñga sa. Magoc lau nanj sêkêtj whinj dom, nanj oc sêtap inj ndê matôc sa. ¹⁷ Ma Anötö oc kêtj ñaclai têtj lau nanj sêkêtj whinj, dec oc tôm bu sêkôm gêtj dalô bocdec bu. Ñac oc sêkôm gwelenj sênem aö anjôn, ma sêsoc ñalau sac su yêc lau. Ñac oc sêsôm yom awha wakuc-ñga nanj sêndôhônj muñ su dom. ¹⁸ Ñac bu sêkôc mboc sac sip ñac amba me sênôm bu ñamalac, dec oc kôm ñac sêtisac dom. Ma ñac oc sêkêtj amba sac lau gêmbac, ma sêkôm ñac ñayham sa.”

¹⁹ Yisu sôm yom dinaŋ têtŋ ɲac su, goc Anötö kôc iŋ su yêc nom. Iŋ pi undambê gi, ma ndöc Anötö ndê amba andô-ŋga. ²⁰ Ma iŋ ndê sêŋomi sêsa si, ma sêhoc ɲawaê ɲayham asê yêc gameŋ hoŋ. Ma Pômdau mbo whiŋ ɲac, ma kêŋ ɲaclai têtŋ ɲac bu sêkôm gêŋ dalô atu-tu tu bu puc yom naŋ sêhoc asê, naŋ dôŋ-ŋga.

Anötö ndê Yom Lêṛsêṃ Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 11 Nov 2022 from source files dated 9 Oct 2020

545e5ca3-1e95-59e4-8380-93951e023cf7